

# *FA MAFUFA A NKWILIMBA*

## *YESWEU-TWAA SINA LITWA*

 Halu inamiseni litoho za luna.

Mulena Yomunde, lu itumela ku Wena busihu boo ka sepiso ya kutaha kwa Mulena Jesu, ko luka yo kopanela mwa mukopano omutuna kokusike kwa fela, kaufela ki tabo ni lipina, ha lu ka yo Ku lumba mwa—mwa masika asike kufela ana ni kutaha. Lu kupa limbuyoti za Hao fa mukopano busihu cwana. Lu kupa limbuyoti za Hao fa tabernakele yee, fa babeleki ba yona, balisana ba yona, batusi bamwa musebezi, balisana babatusi, ni bao kamukana.

<sup>2</sup> Lu kupa kuli Ufuyole baa, Mulena, babatile limaili zeñata kutoba mwa mukopano moo, beya lizoho la Hao la sishemo fahalimwa bona habaka kutela kwa malapa a bona. Lumeleza cwalo, Mulena. Mi lukopane linako zeñata hamoho mwa sibaka se sibizwa ndu ya Mulimu se, kuto lapela. Fuyola baba lu teeleeza busihu boo, Mulena, ka mihala ya luwaile. Mi mutu kaufela ya si ka piliswa afumane Jesu Kreste Mupulusi wa hae, busihu cwana; folisa bakuli kaufela ni baba imezwi, Ndate, mutanga Hao utile kwa musebezi, ka Libizo la Jesu. Amen!

<sup>3</sup> Mulena afuyole mañi ni mañi wa mina. Ki tabo luli fa kuba mo busihu cwana. Nikeni fela Muzwale Ernie hana opela siemba sa mafelelezo sa pina ya hae, *Fa Mafufa A Nkwilimba Yesweu-Twaa*. Luli ki toko yende, yende luli, mi Na—Na ziba izamaezi hande ka nako. Konakuli cwale, lu itumezi luli.

<sup>4</sup> Mi ni kumina sicaba kaufela baba luteeleza busihu cwana mwa naha, Ni lakaza kuli kambe muteni kwanu kutobona tibelelo yee, tibelelo yeli fa lifateho za sicaba mo ba sinanezi mwa muyaho wo busihu cwana; ka kuba ni nako yende.

<sup>5</sup> Lu bata kuitumela ku Muzwale Jack Moore, ni Kezeli Moore, ni Muzwale Nolan, Muzwale Boutliere, Muzwale Brown, balikani ba kwanu kaufela, tabernakele kaufela, sicaba kaufela, ka ku lumema kutaha kwanu.

<sup>6</sup> Neli ka . . . luli neli . . . mufuta wa . . . halukoni kubulela kuli ki sipundumukela, neli fela lizoho la Mulimu le li belekile. Kuna ni muzwale mo yana bile ni tolo nako yeñwi kwa mulaho, ka taba yeswel i kuezahala yee, naize kuli Na “ne ni yemi mwa malukwe amasweu, mwa makatulo a ma Indian a moccasin.” Mi ona cwalo luli kona mo ne Ni yemezi ha Ni biza Muzwale Jack kwa mukopano kwanu, ona cwalo fela, (kwa Carson, Colorado) makatulo a Indian moccasin ni bulukwe bobusweu bwa levi inge nitinile; Muzwale Leo, haiba usweli wateeleza, Ne ni ka

kukatana fela mwa mizuzu yelikani. Konakuli kona fo ne ikalezi mikopano, ona foo.

<sup>7</sup> Cwale ki la Sunda busihu; Ni ziba kuli buñata bwa mina mukaya kwa mandu inge mukoboca, babañwi ba mina muka koboca ni kakusasana. Nina ni mazazi amabeli a ku koboca ataha kwapili. Mi kacwalo haluna—haluna ku mi liyehisa hahulu. Mi Ni likile kueza busihu bo sina masihu a linako za kale, busihu boo Muzwale Brown, ni Muzwale Jack, ni luna kaufela bene ba lapelelanga bakuli myaha yakwa mulaho, lu ka lapelela bakuli mwa mufuta oswana sina linako zani.

<sup>8</sup> Cwale, mwa ni teezea kwa mulaho koo? Ni sweli fela kukutisa mwatasi ma maiki aa kakuli Ni silezi linzwi.

<sup>9</sup> Mi kacwalo Ni bata kuli...ki nto yenyinyani fela, taba nyana ye ezahalile yee. Kiñi, neba ni bulelala nako yefitile kuli kuna ni muzwale, mwendi uteni mwa mukopano mo busihu cwana, ya sa zo zwa fela mwa buino bwa likopano; yatile kwa Shreveport, ya bata ku utwa Liñusa. Mi u lyangani, na sa zibi fa nainzi, kacwalo sa ya mwa tolopo kusili. Abona batu bene ba kopana, ki hali, “Kana kwanu kona kwa taha kuto kutaza Billy Branham?”

<sup>10</sup> Ki hali, “Batili, ki Billy Graham ya kutaza ka—ka mukwa wa—wa filimu.”

<sup>11</sup> Ki hali, “Kihande, Mu ni swalele, Ni—Ni tile mwa sibaka sisili.”

<sup>12</sup> Mi ali sa taha kwanu, ki hali, “Cwale Ni ye kai, Mulena?” Ali akala kuzamaya kukambama mwa mukwakwa woo. Hani zibi kuli ki sikamañi, kuna ni keleke yetuna kwa mafelelezo kwanu. Texas Street. Mi nekuna ni sifapano sesituna sesisweu fahalimwa keleke. Ali Mulena a mubulelala, kuli, “Zwelapili fela kuzamaya.” Ali...ha yo fita kwani, nekuna ni...Ali, “Kihande, kwanu mwendi kona koifumaneha, kuna ni limota zeñata hahulu kwateni.” Mi ali, “Munyaliwa ni munyalibataha inge bazwela fande.” Foo neli mabani busihu, nekuna ni sinawenga, Ne ni baboni habazwela fande. Mulena ali, “Cwale, seo ki sona. Wa zwa mwa likopano ukena ku Munyaliwa, kuli uzamaye ni Munyaliwa.” Mwabona? Mwabona?

<sup>13</sup> Ne ni bulelala musala ka, hane lutaha mwa nzila, ka mo kweli ni naleli neinyendaela fahalimwa sifapano sani, hane lukena ku yona. Ni sepa Ne ni talimela fela fa lika zelikani sina zeo, mwendi ki ze zamaelela fela ni kulumela kwaka ku Mulimu mwa bulumiwa bwaka.

<sup>14</sup> Ne ni sweli kunahana busihu boo, mwa Tucson, hane kuezahalile kuli Victor Le Doux, neli yena muuna wa mu French yani...yena ki mu French luli ya kwanile. Na lumela ne Ni mi bulelezi ka zona zazi leliñwi, kuli ha Ni yo feza kubulela, ka kulika kufapahanya likopano kwa Bukreste bwa niti... Mi

muuna wateni nasweli kunifa . . . ngambolo yekuswani ka zona, ya na zwa kwa keleke yezibahala hahulu ya Pentekota.

<sup>15</sup> Mi kacwalo Danny Henry, Ni sepa ki mwana kezela mubapali wa mafilimu kamba zecwalo, mi neli wa Baptist; mi amatela kwa katala, mi ato ni kumbatela fela mazoho ni kubulela kuli, "Muzwale Branham, Ni sepa se ha si utwahali kuba kashwau, kono yeo ilukela kuba Sinulo kauhanyo ya 23." Mi hakala kubulela taba yeñwi, akala kubulela ka malimi asili.

<sup>16</sup> Mi yoo, batu babalalu ba ma French . . . Musali wa mu French (musali muhulu yomukima, yo munsu, yazwa kwa Louisiana, hakulata uteni mo busihu cwana) añola fa kapampili, sa na bulezi. Mi Victor Le Doux, mukutazi, añola taba yeswana; mi neba bapanya tupampili, kamba kuswanisisa. Muna wa milili yefubelu (mufuta wa milili yeliteele) na yemezi kwahule kwa mulaho, inza itulezi fela ali kukuza, ataha inza zamaya, nabata kubona tupampili twani. Na li mutoloki wa si French wa ba U.N. Mi tupampili kaufela totulalu netuswana.

<sup>17</sup> Mi Ne ka li:

*Kakuli wena u iketezi nzila yetata ye . . . U iketezi yona, u ngile . . . uketile kuya ka kuketa kwa hao.*

Kakuli, lwa ziba cwalo. Mushe nana ni kuba ni keto ya hae. Ali:

*Ye ki nzila ye lukile mi ye kumbahalile, kakuli ki NZILA YAKA.*

*Mi haki—ha ki keto kwa bunde yo ketile!*

Ali:

*Bakeñisa se, siemba sesituna sa Lihalimu si ku libelezi.*

*Mi taba ye ka yona luli kona yekatisa, ni kutaleleza kuli kuezahale, tulo yetuna mwa Lilato la Bumulimu.*

<sup>18</sup> Totulalu kaufela ne tu swana. Ne ni nahana kuli Ni nani kona mwa Bibele yaka busihu boo, (Ne ni talima mwateri, kono ha Ni na kona), kapepa kapili ka zona.

<sup>19</sup> Danny Henry ha zibi . . . sina na kasibili, mane hazibi hande Sikuwa, hamoho cwalo ni si French. Haiba mulemuha foo, kuswana sina mushobo wa si French, ba tangetisanga kezo fapila tuloka ndina mwa likezo. Mi litoloko zetalu kaufela ne li zamaeleta ka kuswana.

<sup>20</sup> Danny Henry, nako yeñwi kwa mulaho, na ezize . . . Danny mwendi wa teezeza busihu cwana. Victor Le Doux mwendi wa teezeza, kakuli Ni utwisia kuli uteni mwa Tucson. Ni mina sicaba mwa Tucson kwa keleke, mwa tabernacle, fa Tucson Tabernacle koo Muzwale Green ki yena mulisana; Muzwale Victor Le Doux, Ni utwisia kuli u mwa mukopano wa tende cwale kwa mafelelezo a mukwakwa wa Park Avenue ko ukopaneli ni Highway 80, kutaha neku le. Mi haiba uteni

kwande koo kamuso busihu ni busihu bobutatama, kamba ukaba nako yekuma kai koo, mu yo mu teeleza; mi Danny hakulata uteni ni bona. Mi ikona kuba kuli basweli ba teeleza kwa tabernakele busihu boo, Ha ni zibi.

<sup>21</sup> Danny aya kwa Jerusalem kuzwa fani, mi abulela kuli na lobezi mwa libita mwani fa libala...libala la fa licwe fone kulobezi Jesu, situpu fela Asika zuha kale. Mi ali, hañi-hañi fela Na taha mwa munahano wa hae; mi abulela kuli amatela fande, inge alila, mi azwela fande. Mi aiswa hande... Ki muuna ya panganga lika fa macwe; upanganga bifaha fa macwe, kona ze Nitalusa. Abulela kuli naile kone ku hohololiwa sifapano, mi ki ha wela felafafasi...anopa licwe nyana cwalo...oh, leli likana fela inci maneku kaufela, kamba nto yeñwi; alibeya mwa pokoto ya hae, mi ataba hahulu kutaha ni lona kwa hae.

<sup>22</sup> Amano eza cwalo, sesiñwi sali ku yena, “Ezeza Muzwale Branham likunupo zepeli za hembe fateni.” Kacwalo alibeya mwa asidi, mi la cinca mubala kuzwa kwa mubala wa macwe kubonahala inge licwe leli tampakani mali. Mi aeza likunupo za mazoho a hembe.

<sup>23</sup> Mi ha to nifa zona, na si ka lemuha, kono fahala likunupo zepeli zani kubonahala mulaini, o shutani omusisani. Ni atinile busihu boo, kuli ni lapelele bakuli. Mwabona, ki-ki licwe la mubala o swana sina mali, inge a mali a lota; ka mukwa o namile hande, mubala obonahala kubelela cwalo. Ona cwalo fela sipolofita sa hae mo ne sibulelezi, “nzila yesisan mi ye namile”; mwabona, mwa sipolofita. Na mu bonisa yona.

<sup>24</sup> Danny, haiba usweli wateeleza, wena kamba Muzwale Le Doux, alimuñwi wa mina kaufela, busihu boo ikaba busihu bwa mifuta yakale haluna ni kulapelela bakuli. Ni tabile ka kuzamaya nzila ye namile yesisan yee, ili nzila ya Evangelii, nzila ya Linzwi, ni Mulena luna Jesu Kreste.

<sup>25</sup> Mulimu ami fuyole kaufela mina. Cwale, mu babande hahulu kuambola ku mina, Ni ka ambola fela nako yetelele mi Ni ka tokwa kuli mube mo nako yetelele luli. Billy ubulezi kuli kuba ni batu baba mianda yemilalu kamba yemine baba lukela kulapelelwa, konakuli Ni ka tokwa kuakufa fela ni liñusa la luna kapili mo ku konahalela, mi kipeto ni lapelele bakuli.

<sup>26</sup> Cwale, kwa sicaba mwa Arizona, Pelekelo yetatama busihu, lukaba kwa (hanisa hupula libizo la tolopo yani) Yuma, Arizona, kwa mukiti. Kacwalo he, mwa California, luka latelela hande ni la Sunda kakusasana, kwa Los Angeles ni libaka ze akalezwa kubateni kwani.

<sup>27</sup> Busihu boo, Ni bata kunga palo kuzwa mwa Mañolo.

<sup>28</sup> Ni bulele cwana, Ne niinzi mwa sibaka mo kulekiswa lico kacenu, saba Morrison's Cafeteria; Muzwale Jack, musala hae, Na ni musala ka. Neluile kwa Morrison's Cafeteria kuyoba ni nako nyana hamoho, nelusika ya kale kusili, basali nebasika ba

hamoho fateni. Nekuna ni mutangana yanatile kuna, libizo la hae ki Green, ki ndatahe Muzwale Pearry Green. Mi ki hali, “Wa ziba, Muzwale Branham, nosweli kubulela ka za ‘johnny pin’ busihu bobuñwi.” Zeo luli ki . . . Kisikamañi se? Bobby pin. Ki hali, “No sweli kuambola za ‘jonny pin,’” ali, “Ni kutiselize ‘johnny pin.’” A nifa yona.

<sup>29</sup> Cwale, yeo kona “johnny pin,” likalibe, haikoni kubeleka mwa millili. Ki “johnny pin,” ki ali—ali nabile aitusisa yona hala lilimo, kwa kuñomelisa makepe a Bibele hande. Kacwalo ku hali, “Ni ka kufa ‘johnny pin ya luli.’” Kacwalo, Muzwale Green, haiba uteni mo kokuñwi kamba wa teezeza, “johnny pin” yani ki yende luli, mi yañomela hande.

<sup>30</sup> Cwale lubata kukena mwa Mañolo kapili fela. Mi Ni bata kuli muapule nina cwale mwa Lisamu 55, mi hape ni Mateu 3. Mi tuto yaka busihu boo ibile ngambolo ya Muzwale Ernie. *Fa Mafufa A Liiba Lelisweu-Twaa Sina Litwa*. Cwale, Hanina kufita mwa litaba ze ni ñozi kaufela ni Mañolo e Ni nani faa, kakuli Ni ka tula fela zeñwi za zona, mi kakuli Ni sepisize liñusa.

<sup>31</sup> Mulena ha lata, kwa Yuma la Pelekelo yetaha, Ni bata kukutaza fa: *Buino Bwa Kuungelwa*, haiba Mulena alata.

<sup>32</sup> Mwa Lisamu 53 . . . Mu ni swalele, Lisamu 55.

*Sikeka zebe . . . (Shangwe? 55, eeni, sha.)*

*U utwe tapelo yaka, Mawe Mulimu; . . . mi usike waipatela kupo yaka ya buikokobezo.*

*U ni teezeza, mi uni utwe: Ni filikanywa ki butuku bwaka, mi na tonga;*

*Kabakala mifumbo ya lila zaka, ni ku koma kwa baba maswe: kakuli ba ni lamba bumaswe, mi ba ni nyandisa ka buhali.*

*Pilu yaka ibutuku mwa sifuba saka: mi sabo ya lifu i ni sweli.*

*Zesabisa ni kusaba ni kututumela li ni tahezi, mi luwewe lu ni imezi.*

*Ki ha Ni bulezi nali, Kabe Ni na ni mafufa a liiba! ne Ni ka ifufela, na yo pumula.*

*Ehe, ne Ni ka sabela kwahule-hule, na yo pila mwa lihalaua. Selah. (Selah italusá “Amen.”)*

<sup>33</sup> Davida, mulati wa lihalaua, hana katazehile mi sicaba hane si sa lumeleleni ni yena, mi lila za mutahela, ki hali, “Kabe Nina ni mafufa a liiba, Ne ni ka fufela mwa lihalaua ni yoinelela mwateni.” Ki linako zekai ha Ni hupuzi taba yeswana yeo! Kambe Ne ni ka pamula tobolo yaka fa limota, mukotana waka wa kuzuma ni ona, ni ye mwa lihalaua mi nitokwe ku yo menuha hape. Ni buzize Mulena haiba Ni kona kupila kubona lizazi. . . Ha ni lati kuba ni sebelezo ya maswabi, Ne niize,

“Haiba Ni kona fela kuya mwa mushitu kokuñwi, kuyo yendeka muunamuhulu ‘Yomufubelu’ fa kota, . . .”

<sup>34</sup> Yeo ki tobolo yaka, muni swalele, Ni—Ni—Ni bulela cwalo bakeñisa musala ka yainzi fani. Mwa ziba, tobolo yani, Muzwale mo kiyena yana ni file yona lilimo za kwa mulaho, Ne ni bulaire lifolofolo ze fifite-faifi ka yona, kusina kumbwinja neba lilumo, zeñwi mane neli buhule bobulikana ni mitambo yemianda yesilezi kamba yesupile. Ni ibiza kuli “Bufubelu” kakuli musala ka ki milili yefubelu ni litalo lelinsu, kacwalo abulela kuli Ni iseza hahulu ngana kwa tobolo kufita yena. Kono . . .

<sup>35</sup> Kacwalo, Ni—Ni tabela kuiyendekanga kwa kota, mi nili, “Mulena, Joseph aifumane zazi leliñwi.” Ni tabela kuba ni mafufa a liiba ni kufufela kwahule.

<sup>36</sup> Kono inge fela nako yeñwi mwa malundu inge nibuha mbande, ni kuibona haifufela kwahule (mwa ziba likande laka ka zeo), Se nili, “Ki hande kuba mo, Mulena; sina Pitrosi hanaize, ‘neluka yaha litabernakele zetalu.’ Kono kwatasi a lilundu, bakuli ni ba ba ziyelehile ba libelezi, ba ba latehile ni bafu balibezezi.” Konakuli haluezeñi ze lukona hakusana ni lizazi, mi zazi leliñwi kukaba ni . . . mafufa a Mbande yesweu aka taha fasasi, Ika lu lwala kuluisa.

<sup>37</sup> Cwale mwa Mateu 3:16, Ni tabela kubala 16 ni 17.

*Mi Jesu ha kolobelizwe, apakiswa kuzwa mwa mezi: mi, hamubone, ka nako iliñwi lihalimu la kwaluluhela yena, abona Moya wa Mulimu ha utuluka sina nkwilimba, u to ina fahalimwa hae:*

*Mi amubone linzwi la zwa kwa lihalimu, le li li, Yo ki mwana Ka, ya latiwa ye Ni katelwa. (Ka manzwi amañwi, “ku yena mo Ni tabela kupila.”)*

<sup>38</sup> Cwale lubata kubulela ka mizuzu yelikani fa nyunyani yee. Nkwilimba ibile iliñwi ya linyunywani ze ni lata hahulu. Mi ku nahana za liiba, liiba shangwe luli . . . ni nkwilimba ki nyunywani yeswana. Nkwilimba ki nyunywani ya mwahae. Bubeli bwa zona ki lubasi lo luswana. Ni batisize za yona mi ki lubasi loluswana. Nkwilimba ni liiba, bubeli bwa zona ki za lubasi lo luswana. Mikwa ya linyunywani ze iipitezi.

<sup>39</sup> Ne ni kutalize kwanu, myaha nyana kwa mulaho, mwa mukopano wa tende kwanu ni Muzwale Moore, fa: *Ngunyana Ni Liiba*. Ni sepa kaufela mwa hupula cwalo; ni kuli mane liiba kona nyunywani ye sina masila kwa linyunywani kaufela zelunani, mi ngu ki folofolo yeishuwezi mukwazo kwa lifolofolo zelunani. Bubeli bwa zona ki linyunywani za litabelo ni lifolofolo.

<sup>40</sup> Haki bunde ni boo mi li swanisezwa fa sina Jesu hali Ngunyana, mi Mulimu kakuba Liiba. Mi liiba nelisike la lula fa sitongwani, sibupeho sa sona ha ki sesinde. Ne lisike la lula fa

nja, sibupeho sa yona ha ki sesinde. Neina ni kuba fa ngunyana; libupiwa zepeli nelina ni kuba zeswana. Mi cwalo kona mo lu lukela kubela, mifuta ya luna ina ni kucinca kuzwa ku muezalibi ya hona kutaha kwa buishuwi bwa ngunyana.

<sup>41</sup> Mi kana mulemuhile kuli Liiba neli etelezi Ngunyana? Mi mulemuhe, Ngunyana ya itoboha kaufela zene Inani kwa Liiba. Mi mutualime Liiba kone i Isize: kwa kutakisezwa libi zaluna kaufela.

<sup>42</sup> Cwale, Liiba la . . . Mulimu nabata kuyemela Mwana Hae, Na yemezwi ka iliñwi ya ze kenile hahulu ni zeishuwile hahulu fa lifasi kwa lifolofolo, sibupiwa se si zamaya ka mahutu; kono cwale Mulimu hana iponahalize ili Yena mwa lihalimu, neli ka ye ishuwile hahulu ni ye kenile hahulu kwa linyunywani zeliteni mwa lihalimu, leo ki liiba.

<sup>43</sup> Cwale, maiba ashutana, kuna ni amañata ashutana mwahala ona. Hañata maiba aluna ki a maseta cwalo mwa mubala. Mi hape kuna ni liiba la maswabi, mi kuna ni liiba la manzibwana. Kuna ni hape liiba lelibizwa kampolwe leluna ni kwandu, ki lelinyinyani, la mubala oseta; cwalo, kanyunywani nyana ka mindoli-ndoli fa mafufa. Kuna ni mifuta yemiñata yeshutana ya maiba, mi ya shutana mwa mibala. Kona mo kuinezi ni mwa linkwilimba.

<sup>44</sup> Cwale, liiba ki liiba leli ipitezi luli mo li bupezwi, kakuli mikwa yayona ki kuli halikoni kuca sika kaufela sesi masila; haikoni fela kuca zeo, kakuli ha li si ka lukisezwa zecwalo.

<sup>45</sup> Cwale, Ni bile nibulela ka za liiba kuba sisupo sa Mulimu, ni liñwalala kuba sisupo sa muipi. Liñwalala lakona kuina fa situpu sesi ishwezi mi laca, musihali kaufela, ni kufufela mwa simu ku yo ca buloto ni liiba. Kono liiba lakona kuca buloto hande fela, kono halikoni kuca situpu se sishwile. Mwabona? Lona halikoni kuca, halikoni ku li kaya mwamba. Mi Ne ni komokanga halisakoni kuca; hanili zepeli cwalo ki za mafufa, ki linyunyani. Kono kiñi? Ki mo li bupezwi.

<sup>46</sup> Kona mokuinezi ni ku Mukreste wa niti. Mu . . . Mukreste fela wa kopano wakona kuikungela sika kaufela, kono haili waluli, Mukreste yapepilwe sinca hakoni kunga lika za lifasi. U bupilwe ka kushutana.

<sup>47</sup> Ni fumani kuli liiba halina nyoko ni yekana. Hakuna nyoko mwa liiba kakuli haina tuso ni yona haiitokwi.

<sup>48</sup> Kona mo kuinezi ni ku Mukreste, hatokwi piluseta ni yekana, mwabona, kakuli yena ukona fela kuca Lico la Mulimu. Mi ha li lwali piluseta kuli li shengunune zeo; silwala lilato, mwabona, kacwalo uka . . . kuli lico li shengunuke. Piluseta: "Oh," babulela kuli, "kihadne . . ." ba shutana ni Lona. Kono lilato kamita la Li amuhela, ki Linzwi la Mulimu.

<sup>49</sup> Cwale, halina nyoko, kacwalo he haliko ku...ki nto yelwanisana fela kuli lice sika kaufela. Mi haiba ne li kaca, nelika i bulaya. Kono hakuna kozi, halina ku lica (uh-huh), kakuli halina takazo ya kuca zeo.

<sup>50</sup> Mi kona moinezi ni Mukreste wa niti. Kana mwaziba kuli Mukreste wa niti hakuna neba sibi se si balelwya yena? Davida naize, “U na ni mbuyoti mutu yoo asa mu bulukeli Mulimu sibi sa hae.” Ha u tapile mwa Mali a Ngunyana (isiñi ka kulumela kwa malikanyiso, kono luli kwa—kwa Mali a Ngunyana), Mulimu habuluki sika sa hao so eza, kakuli u mwatasa Mali mi Yena ha si boni. Kuna ni sitabelo sa Mali; kona fela sika sinosi Mo akubonela, kona mwa Na kubonezi kusikaba kale mutomo wa lifasi Ha beya libizo la hao mwa Buka ya Ngunyana ya Bupilo. Kona fela Zakona kutalima, kakuli u liuluzwi kwa lika kaufela zekile za ezwa fateni, u tapile mwa Mali a Ngunyana. Kabakaleo hakuna nyoko ku wena, hakuna mukwa omasila ku wena, kakuli Mali a Ngunyana aezeze kale zeo; mi Mulimu hakoni ku ku bulukela sibi kanti una ni sitabelo sa sibi sesi beilwe kwani si ku libelezi.

<sup>51</sup> “Kihande,” mu li, “zeo linifa sibaka sesituna he, Muzwale Branham, Na kona kueza ze Ni bata kaufela.” Na kamita naezanga; kamita. Kono cwale mutu ha sa boni luli sa mu ezelize Jesu, mi ufetuha ni kueza taba isili yeshutana ku Yena, kubonisa kuli asamba kuba a amuhele Kreste.

<sup>52</sup> Nina ni musalaka yomunyinyani yainzi kwa mulaho kwani. Una ni myaha yelishumi mwatasi ku Na. Libaka kikuli uyemi mwahala ka ni—ni lifasi la lwande. Haiba Niya kwabuse bwa mawate, mi Ni... Hanili lo ikona kuba lubasi mwa kupila, ha ne Ni ka kopanya lubasi nina mi Ni bulele kuli: “Amutalime kwanu, bomusala Bo. Branham, mu lukela kulemuha kuli mu bo musala Bo. William Branham. Usike waba ni baana basili ha Ni saile. Usike waeza meto meto ku muuna usili,” ni lika zee kaufela. “Usike wa eza butanya nihanyinyani. Haiba ueza cwalo, ha Ni ka yo kuta Ni ka to ku lukulula.”

<sup>53</sup> Mi ni yena asikuluha uli, “Cwale, muuna wa ka yomunde, Ni bata ku kubulelala nina. Usike wa nga musali yacwani kaufela ha u saile. Usike wa eza sa se ni *sani*. Usa eza fela, u zibe fela kuli uka to haniwa muta u kuta kwa hae.”

<sup>54</sup> Cwale, loo ikaba lubasi lo lunde kana? Mwabona? Batili! Haiba luli Na mu lata... Ni ha Ni lumela kuli hane Nikaba ni mafosisa ni kuyauka ku yo eza nto yemaswe, Ni lumela kuli na ka ni swalela kakuli wa ni lata. Mi haiba na kaeza cwalo, Ni lumela kuli ne Ni ka muswalela; kiniti, kakuli Na mu lata. Kono haiba Ni mulata cwalo, haibile fela Na mu lata kakuba cwalo haana kubilaela. Ni ha na ka ni swalela, Hanikoni ku mu utwisa bumaswe kusina sika. Ne—Ne—Ne ni ka ikutwa kuba mucaha yafosize mukwazo mwa lifasi loote, Ne ni sike na libelela muzuzu

Ne ni ka mu bulelala ze Ni ezize, kakuli Na mu lata. Kihande, zeo ki... Haiba Ni mulata ka lilato la *phileo* lilato lelicwalo, kucwani he ka lilato la *agapao* mokona kubela ku Jesu Kreste?

<sup>55</sup> Ni ha Ni kona kuzuba kwai, Nali kuba ni zube fateni mwa bupilo bwaka; koni Ni ha ne ni ka zuba, wakona kuni swalela ka zona, Na lumela Na ka ni swalela. Hane Ni ka nwa, Nali kuba ni nwe fateni mwa bupilo bwaka, kono Ni lumela kuil Na ka ni swalela. Mi Na Mu lata nina, (Mulimu, ni tuse) Hani lati kueza sika kaufela sesicwalo, mwabona, kakuli Na Mu lata. Liki zeo lizwile kuna, kakuli Ha na ni cincize kuzwa kwa liñwala kuba liiba nekubile ni shutano, takazo ya micelo yaka ya ni siya; konakuli sibi ha si ni bulukelwi kakuli Ha ni fumbi ku si eza, hasiyo kuna kuli ni sieze.

<sup>56</sup> Cwale nto yeñwi yetuna ka za liiba. Ki nyunywani yeipitezi. Kana mukile mwabona linyunywani kaufela . . .

<sup>57</sup> Iliñwi ya linyunywani ze ni tabela hahulu ki kambalamatende. Cwale, mina bashimani mutuhele ku kunupanga tumbalamatende twaka, mwabona, kakuli ha Ni lati kuli muezange cwalo. Kambalamatende kaka, mwa ziba mo ne ka fumanezi mubala omufubelu fa sifuba? Mwa ziba, zazi leliñwi nekuna ni Muuna yana shwa fa sifapano, hakuna yana Mu tusa, Mulimu na Mu fulalezi, mi Na shwa cwalo. Mazoho a hae nanani limapo, mahutu a Hae ni makupo a Hae nazwa mali, mushukwe fa toho ya Hae ni miutwa, mali inge angonga kwa sifateho sa Hae. Mi nekuna ni nyunywani yenyinyani yene fufela bukaufi, yenyinyani, kanyunywani ka kafubelu. Mi katalima fani, neli . . . ka hupula kuli ki pono yetomola hahulu pilu kuzeka kile kabona fateni. Mi ka ziba kuli neli fela kanyunywani kaka likani, kono ka talima fa bimapo byebituna bwa Siroma byani byene bi kokotewzi mwa lizoho la Hae, mi kafufa ni mulomo wakona o munyinyani ni kulika ku comola. Katala bufubelu sifuba kaufela katapa mwa mali, kuzwa ona foo sibufa ki sesi fubelu. Ni bata sifuba saka kuli si silelezwe ka Mali a Hae, nina, ni Mu yemele ha Ni Mu katana. Na lata kambalamatende kakanyinyani kani.

<sup>58</sup> Kono, mwa ziba, kambalamatende kakanyinyani kani kana ni kutapa; kono, mwa ziba, liiba halitokwi kutapa; batili. Lina ni mafula amañwi mwa mubili wa lona alitoza ni ku libeya li kenile kuzwelela mwahali kutaha fande. Mwa ziba cwalo? Maiiba a cwalo! Liiba la itozanga mafula linosi. Kana mukile mwa nopa iliñwi, mukile mwa nunkelela mafula ayona, nkwilimba kamba nto yeñwi? Ani ki mafula a zwelela mwahali ku lona. mubili wayona una ni mafula aibuluka mafula a yona kamita akenile fande kakuli ikenile kuzwelela mwahali kutaha fande. Yeo ki niti. Ki nyunywani yende yetabisa luli.

<sup>59</sup> Cwale, Ni ziba kuli mwakona ku li zuma kwanu, Na sepa, mwa Louisiana. Musike mwaeza cwalo! Oh, Hanikoni kueza

cwalo. Ni sepa kuli haiba Ni lapili, nekukaba hande, kono Ha—Ha ni koni kuhoha munwana mwa tobolo kukunupa kalikañwi haiba Ni lukela kueza cwalo.

<sup>60</sup> Kuna ni... Liiba lina ni taba yetuna luli mwa lubasi lwa luna. Zazi leliñwi bokuku babali... Bazwa kwa Kentucky, neku la ma Cherokee kwani. Ne ba shwa, musali ya supezi, mi neba li... Nebana ni... Ni sepa ba li biza kuli scrofula kamba nto yeñwi cwalo, ne ba shwa. Mi bokuku ba baana bakubama kwa mumbeta; foo Boma, Bondate babasali bo Birtie, Bondate babasali bo Howlie, kaufela bona ba kubama kwa mumbeta; Bomalume bo Charlie, (neli fela mushimani yahulile nyana fela) mbututu; Boma, yomuhulu hahulu neli wa myaha ye twelufu yakupepwa. Mi neba kamunezi milili yabona yeminsu kwa mulaho fa mumbeta, mi bakala kuopela, “Licwe la Myahammyaha, lihaha la ka, ni ipate ku Wena,” hane ba shwa. Bokuku babaana, ka nako yani, ne si Bakreste. Ne ni ba kolobelize inge bana ni myaha ye eite-sebene ya kupepwa, ka Libizo la Jesu Kreste, kwa njelelo ya nuka kwani koo Lingeloi la Mulena ne li bonahezi.

<sup>61</sup> Kono hane basweli kuopela pina ye, ni mazoho abona afokola amanyinyani mwahalimu, nkwilimba ya fufela mwa munyako; ya taha, yalula fahalimwa mumbeta, ya kala kulila. Mulimu anga moywa bona.

<sup>62</sup> Ne niile kwa London, England ni Muzwale Jack ni Muzwale Gordon Lindsay, mi nekuna ni musali wa libizo la Florence Nightingale (mone kubonahalela, Ni sepa kuli ki muikulu-wa muikulu kamba nto yeñwi ku nyandi Florence Nightingale) yana ni ñolezi mañolo amañata. Nali kwa South Africa, inza shwa ni kansa. Mi nana ni siswaniso; mu si boni mwa buka. Nali kuba ni boni yapila ya cwalo mwa bupilo bwaka. Muzwale Jack, Na lumela, nali nina zazi lani. Lwaya kwa ndu ya mukutazi, kwa sibaka sa muluti wa puteho, kwa mulaho wa keleke fela kone ba mu tisize.

<sup>63</sup> Hane lusali fande fa... ko ne ku lulezi fulai, neba lu ñolezi, mi nali mwa ambulasi kwani ka nako yani; na fufisizwe kuzwa kwa—kwa South Africa, ka kuziba kuli Ne ni taha kwa England ka nako yani. Mukutazi amuisa kwa ndu ya mukutazi, kacwalo lwa kutela kwani ku yo mu lapelela.

<sup>64</sup> Ni boni batu babañata ba bakula, kono mazoho a hae amasisani na sa bonahali neba inci, ka—ka katendele ka hae fo ka kopanela, nemuka bona fateni. Mi musali... mahutu a hae ali ku kungana ni linoka *cwalo*, neli fela mainci amabeli kihona, neli fela lisapo. Mane nasakoni kunanula mazoho a hae, na fokozi hahulu kuli ananule mazoho a hae. Mi naswelí kulika kubulela manzwi nyana, kono Ne ni sa mu utwisisi. Mi ha Ni yo fita kuyena mafelelezo, Ni lumela neli ka nesi, ki hali, “Muzwale Branham, lapela kuli Mulimu ani tuhele fela ni shwe.”

Na palelwa . . . na sa lati kupila. Mi Na lemuha, ni mioko inge ibuba fa masapo a sifateho sa hae ani. Kwa na zusa mezi amañata cwalo akulila, Ha ni zibi; kakuli misinga ya hae ne se inwezi luli, mi nali mwa buino bo busabisa. Na taha kuto mu lapelela, Ne ni si ka mulapelela kuli ashwe. Kono na bonahala fela kuli nasike kushwa, na sa pila fela.

<sup>65</sup> Na kubamafafasi ni mulisana wa mina, mwa muzuzu kuli lu lapele. Mi ha Ni kubama kuli ni lapele, nkwilimba yelikani yafufela mwa lihaulo; yakala kulila. Ha Ni yo feza kulapela, Na hupula kuli mwendi ki nkwilimba yene bauta kokuñwi. Fande nekuna ni mbundi, England mo iinezi, Lioli za British kwani. Mi nkwilimba nyana ye yatuhela kulila, mi yafufa. Na muyela ku yo mubeya mazoho ni kubiza Libizo la Mulena. Musali yani ki yomukima, utiile mane uiketile kacenu, fa mafufa a Liiba.

<sup>66</sup> Yona iikenisa kukalela mwahali. Mukreste ueza cwalo ni yena, ukena kuzwelela mwahali. Zeo lizwisa mifumbo . . . Hatokwi nyoko ni yekana kuli akaye sika kaufela, kakuli zeo ha li cangi. Mwabona? Yena ukenile kukalela mwahali kuzwela kwande.

<sup>67</sup> Cwale, lu lemuha kuli nyunywani yee . . . Ni ñozi lika zeñata faa, kono waci izamaya icibilika. Nyunywani ye ne iitusiswa mwa Testamente ya Kale kwa sitabelo, kwa tifo ni kwa kukeniswa. Halu tamahanyeni fa iliñwi mwa Genese 15:9. Halu nahaneñi fa timana ye fa nako nyana. Cwale, Abrahama neli . . . na buza Mulimu fa, Na ka eza cwani taba ye. Mi Mulimu u kutiseza Linzwi la Hae ku Abrahama, mi U lieza ka nzila yeipitezi. Lu kalele mwendi fa . . . Halu kaleleni fa timana ya 1. Hani lati kuakufisa taba ye.

*Hakufelile zeo linzwi la MULENA la taha ku Abrahama  
mwa pono, . . .*

Mwabona, Abrahama nali mupolofita, kacwalo na bonanga lipono.

*. . . Si sabi, Abrahama: Kina tebe ya hao, ni . . . mupuzo  
wa hao omutuna kufita. (Jehova-Manasse, mwabona.)*

*Mi Abrahama ali, Bona- . . . ali, Mulena MULIMU . . .  
(Mulemuhe, taku yetuna ya M, "Mulena MULIMU."  
Elohim! Mwabona?) . . . Mulena MULIMU, . . . (mwa  
pono) . . . uka ni fa sikamañi, kakuli Ni ya ni sina  
mwana, kanti muca sandawa ndu yaka ki yena Eliezare  
yo wakwa Damaseka?*

*Mi Abrame ali, Bona, ha u si ka ni fa lusika: mi, bona,  
yapepezwi mwa ndu yaka ki yena yakaca sanda sa ka.*

*Mi amobone, linzwi la MULENA la taha ku yena, lali,  
yoo haana kuca sanda sa hao; . . .*

Na sa mufile kale sepiso, mwa ziba. Isiñi... Mwabona, ona fani Abrahama na ka palelwa, kono sepiso ki yesina milao-lao; bulikani bo bu sina milao-lao.

*...kono yaka pepwa ki wena ki yena yaka ca sanda sa hao. (Mi fa seli wa myaha ye mwanda ya kupepwa cwale.)*

*Ki ha muisa kwande, mi ali, cwale U talime lihalimu, mi ubale linaleli, haiba ukona ku libala: mi ali ku yena, Ki fo baka kuma baikulu ba hao. (Muuna yasina mwana, mi cwale seli wa myaha ye mwanda ya kupepwa.)*

*Mi a lumela ku MULENA; mi ami balela kulumela kwa hae kuli ki ku luka.*

*Mi ali ku yena, Ki na MULENA ya ku zwisize mwa Ure, wa Kaladeya, kuli ni kufe naha ye ibe sanda sa hao.*

*Mi ki hali ki Yena, Bona-... Mulena... kamba Mulena... Ni ka ziba ka ñi kuli Ni ka iluwa?*

<sup>68</sup> Cwale muteeleze ku se.

*Mi ki hali ku yena, Ni ngele sitole sa myaha yemilalu, ni puli ya myaha yemilalu,... (mutalime zetalu zeo cwale, "za myaha yemilalu")... ni totolo ya myaha yemilalu, ni liila, ni nkwilimba. (Bubeli bwa batu ba baswana, bubeli bwa lika zeswana. Mwabona, ne li itusiswa mwa sitabelo kuli na bonisa bupilo bwa Jesu.)*

<sup>69</sup> Buitamo ne buezizwe... Mwa ziba, mo ne ba li pazulela fahali, mane nikamo...

<sup>70</sup> Kamba linako zakale, hane ba nganga... kueza buitamo, nebanga ni kuñola tu—tu tumelelano. Ni kubulaya folofolo, baibeya mwahali ni bayema kwa matuko; bapazula bulikani mwa liemba zepeli, mutu yo unga siemba...

<sup>71</sup> Inge batapisi ba ma Chinese mone ba evezanga. Muuna wa China faa, na sakoni kuñola Sikuwa, kacwalo añola fateni ni kupazula siemba sa pampili ni kukutambeka siemba sesiñwi. Mi mwa—mwa hupula batapisi ba liapalo bama Chinese hane ba ezanga cwalo. Mi wena... zabona—zabona zepeli cwalo nelina ni kubapanywa, kuli unge liapalo za hao. Mwabona, nosike wakona ku mu puma, kakuli nana ni siemba sesiñwi sateñi. Wakona kukopisa libizo la hao, kono haukonni kupazula pepa isili kuswana ni yani. Mwabona? Kacwalo, nana ni... neilukela kuba siemba sa pampili yeswana.

<sup>72</sup> Kona mo ne ba evezanga cwalo mwa mazazi a Kale, kale... kamba kale koo mwa mazazi a kwa Upa. Neba bulaya folofolo, baibeya mwahali inge bayemi, bapazula siemba sa mukata wa puli fahali, alimuñwi unga silisiñwi... Mi buitamo ha bu talelezwa, batisa liemba hamoho mi nebana ni ku litamahanya hande.

<sup>73</sup> Cwale, sa mubonisa Mulimu fa ki se, fa litabelo ze, u bulela za Kreste; ka mo Mulimu naisize Jesu fa Kalvari ni ku Mu pazula fahali, ni kuamuhela mubili mwa Lihalimu ni kuluma Moya mwa lifasi ku luna, kuli Moya o swana onoli ku Yena una ni kuba ku wena kuli utamahane hande ni Mubili, kuli ubue Munyaliwa kwa nako ya maungulo. Mwabona? Mwabona? Yeo ki niti. Mwabona? Haina kuba kopano, cwale. Ikaba Linzwi, sa Nali sona. Mwabona?

<sup>74</sup> Kono sina Linzwi lani halina ni kutaha kwa Linzwi, sina selu mwa mubili wa mutu. Mwa ziba, haiba mu—mu mubili wa hao wa bupiwa, ha ki selu iliñwi ya mutu, yetatama ibe ya njia, mi yetatama ibe ya kulube. Oh, batili, batili. Kaufela ona ki ma selu a mutu. Kona ni Mubili wa Kreste mo Uinezi, *kaufela* ona ki Linzwi la Mulimu. Isiñi fela siemba sa Lona, sizo sesi ekelizwe kwa Teni; batili, *Ki kaufela* ona Mubili wa Kreste.

<sup>75</sup> Cwale, lufumana fa kuli naitusisize bubeli bwa liiba ni nkwilimba, kakuli bubeli bwa zona ki lubasi loluswana. Cwale, mina kamita . . .

<sup>76</sup> Kacwalo mulemuhe (Ni swanisisa fela kwa Mañolo nyana azona) Levitike 12, ni timana ya 6. Lu fumana fa kuli mukwa wa musali kuli akeniswe; haiba musali uba ni mbututu, nana ni kulibeleta. Haiba neli mushimani, na libelelanga mazazi a mashumi amalalu-ka amalalu asika kena kale mwa kopano ni maiba, kwa kukeniswa. Haiba u puluhile musizana, nana ni kulibeleta mazazi a nainte-sikisi asika kena kale mwa kopano.

<sup>77</sup> Cwale lufumana cwana fa, timana ya 6.

*Mi mazazi a kuikenisa kwa hae ha sa felile bakeñisa mwana mushimani, kamba mwana musizana, uka tisa ngunyana ya mwaha ulimuñwi ya sitabelo sa kucisa, ni liiba kamba nkwilimba, ya sitabelo sa sibi, a litise fa munyako wa tende ya kopano, ku muprisita:*

<sup>78</sup> Mwabona, hakoni kukena mwateri kakuli mazazi a hae ha si ka fela, kono wakona kufa zeo ku—ku muprisita fa munyako, kuba nubu ya hae. Mwabona, ikona kuba liiba kamba nkwilimba. Zeo kaufela ki lubasi loluswana.

<sup>79</sup> Cwale ne—cwale ne li itusiswa kwa kutapisa, ni kutapisa kwa sibi, liiba li liliñwi. Kamba kwa mbingwa, ili mufuta wa sibi, nemu lukela kutisa maiba amabeli: toho ya leliñwi neipumiwa kwateni, ya ifutula ni kolutisa mali ku leliñwi; mi kipeto liiba leliñwi ba li lukulula. Mi cwale liiba hane lifufa, ne li kolobisa mubu ka mali a leliñwi, mi mali na lila ku Mulimu, “Ukayenile! Uyakenile! Uyakenile wena Mulena Mulimu!”

<sup>80</sup> Kana hamuboni Mulikani yana shwa, Jesu Kreste? Na bulailwe mi mali a suluhela luna, kuli luzamaye lu lukuluuhile, lubulela kuli “Uyakenile! Uyakenile! Uyakenile! wena Mulena.” Ha ki mifuta kwa bunde ni yeo. Kambe Nina ni linzwi hande.

<sup>81</sup> Cwale mswanisize fela Moya o Kenile o mutuna sina ha lubalile fela mwa Sinulo 3:16; o itusisizwe ki Mulimu kwa lisupo, liiba le nelili cwalo.

<sup>82</sup> Nuwe na filwe sisupo, sina muzwale ha sa zo opela fela ka sona. Mulimu na si ka tabela, mi nekusina sene si ka paleliswa buhali bwa Hae, kakuli Na ize, "Zazi le mukaca ku yona, zazi leo luli muka shwa." Mi Nuwe a fumana sishemo ku Mulimu mi ayaha areka kuya ka muyahelo...litaelo, nitaluse, za Na mufile. Mi akala ku cimbauka.

<sup>83</sup> Nakona kuakaleza za hae...zene ezahala mwa mazazi ani haba bulela kuli, "Muuna muhulu yo fahalimwa lilundu, mufitelezi wa tumelo, yasweli kuyaha areka, ubulela kuli 'i ka nela,' mi yali kuba i nele." Kono ki...

<sup>84</sup> Nuwe ali, "I ka nela, nihakuli cwalo."

<sup>85</sup> Mi cwale Ni ziba lizazi hakena mwahali, Ni sepa kuli sene si...hanikoni kunahana kuli neli zazi mañi lani, Ni lumela kuli neli lizazi labusebene ka kweli ya Kandao. Nuwe akena mwa areka, mi Mulimu akwala sikwalo.

<sup>86</sup> Mi malu akala kukwahela, pula yakala kunela, misima yakala kutala, maweluvelu a buliba akala akwaluha, tunukana kaufela twa bayula mezi atona. Mafelelezo sicaba sakena mwa mandu, sa pahama fahalimu. Areka yani yaina fani ka kuswana fela.

<sup>87</sup> Kasamulaho nyana mezi amañata hana kala kuekezeha, yakala kuya mwahalimu ni mwahalimu. Sicaba sa ngongota fa sikwalo ni kuhuwa, kono nekusina—nekusina tuso, Nuwe na sa ba kwaluleli sikwalo. Ki Mulimu yana si kwalile, Mulimu ki yena fela Anosi yana ka si kwalula.

<sup>88</sup> Kona mo kuinezi ni Areka yaluna, Jesu Kreste; Mulimu a lu kwalulela sikwalo fa Kalvari, Uka si kwala sina mwa Na si kwalulezi fela.

<sup>89</sup> Mi ya cimbauka, mi ona cwalo ni cwalo, mwendi ki maili mwa butungi fahalimwa mubu lifasi le hane lisweli kuzwa mwa nzila...ya mu—mu...muzamao wa lona hande. Mi kupotoloha ni kupotoloha ya ya cwalo, mwa butuna, ni likota, ni fahalimwa malundu ni zeñwi cwalo, inge inyungana ka mazazi ni masihu amashumi amane.

<sup>90</sup> Mi cwale moya hauyo kuza...

<sup>91</sup> Buhali bwa Mulimu bwa sabisa. Lilato la Hae li lukile mi li Pahami; mi buhali bwa Hae buswana fela ka Bulimu—ka Bulimu ni mo li inezi lilato la Hae, kakuli, Ulukela kufa katulo kakuli Ki muatuli. Ki mufani wa mulao, mi mulao osina koto ha ki mulao. Kacwalo kuswanela kuba ni koto kwa mulao. Mi u sa hanyeza fela milao ya Mulimu, kona fo ka lifela koto yateni.

<sup>92</sup> Cwale lu lemuha kuli kasamulaho wa Nuwe amano cimbauka fani, hakuna kukakanya kuli nakulile mandingwe a

fa liwate bakeñisa kupalakata ni maloteli a pula ya macwe, mi buhali bwa Mulimu inge bu nataka ni kungongola, ni lilata ni zeñwi kaufela. Mi seikala kukuza, hakuna zene ezahalile. Mazazi afita, hakuna zene ezahalile. Mwendi lico za lifolofolo ni zeñwi kaufela za kala kufukuzeha, hakuna zene ezahalile. Kacwalo ahupula kuli, "Akomoka . . . Ha ni boni fande."

<sup>93</sup> Areka ne i yahilwe kuli (hause ukeni mwahali), nekuna ni fela lihaulo li liliñwi ku yona, mi ne liinezi fahalimu. Nemasike mwatalima mwa matuko, hakuna kutalima nekuli leliñwi konji fahalimu. Mi kona ni Areka mo iinezi, Jesu Kreste, uwalo. Haukonu kutalima mulikana hao, haukonu kutalimela fa sika sisili fela konji Kreste mwa Areka kakuli kuna ni fela sikwalo silisiñwi, mi Yena ki Sikwalo se lubulezi kakusasana cwana. Ulukela kutalimela mwahalimu ka tundamo, "Kakuli ya swala sikekele mi atalima kwa mulaho, ha swaneli kwa sikekele."

<sup>94</sup> Cwale, sina mwa areka mo . . . Mi nabona liseli, mi mwendi neli liseli la lizazi, kono na komoka kuli uinzi kai. Areka neisa cimbauka, nautwa mandinda kwa matuko a yona, kono aziba kuli nekuna ni kuba mazazi amañata, kaniti mezi naswelii kuekezeza ka nako yani. Kacwalo ato luma nyunywani ye sa sepahali, yebeteka, mi a *ilika*, mi ki ha ilumela fande. Neli liñwalala, mi liñwalala leo ne li si ka yo kuta, kakuli neli ilo fumana munyaka fande fani, fande a areka ya Mulimu. La fufa kuzwa fa mubili o shwile kuya ku omuñwi, inge lica litupu ni zene siyezi zene cimbauka fa mezi; mi mane la kula kusinduka ka swanelo.

<sup>95</sup> Kacwalo kasamulaho wa mazazi nyana alika hape, kakuli na ziba . . . Na sa lati ku yo hata fa buhali bwa Mulimu. Kacwalo a lukulula liiba. Mi liiba le neli la mufuta usili kufita wa . . . Ne si linoñu, kamba neba kuba sibungu, lona likona fela kuca lika zekenile. Mi ne li kusi kale kakuli neli si ka fumana fa kuhata mahutu alona, la kutela mwa areka. Nuwe ali, "Kihande, muunda u sa liteni."

<sup>96</sup> Mi ki ha libelela ka mazazi nyana, mi alumia hape; inge tapelo ya hae, "O Mulimu, kikuli buhali bwa Hao se bufelile? Kana—kana—kana buhali bwa Hao bufelile, Mulena? Kana kufelile naa?" Mi ki hali, "Cwale, haiba Ni li lumela kwande ka nako ye, yakona kuinelela kwande kwani haiba muunda ufela, yakona kuinelela." Kono ailumela kwande ka tapelo, mi haizwela fande ka kuzamaiswa ki Mulimu, ya puma litali kwa kota ya olive, ni kufa kukutela fa lihaulo ni kuyo ngongota hape.

<sup>97</sup> Mulimu na itusisize liiba kuba sisupo. Yakuta ni kubulela kuli "muunda u felile," mi he Mulimu akwalula sikwalo, mi ba zwela fande. Yeo ki Genese 8:8.

<sup>98</sup> Hape kuitusisa Mateu 3:16, hape buhali bwa Mulimu hanebuli mwa lifasi. Mi ne ku sina mukwa, busihu bobu lififi hahulu, mwahala busihu, likeleke neli lyanganisize hahulu lika

kufita kutokwa ni nzila ya kuzwa mwateni. Mi nekuna ni baluti ba buhata, mifuta kaufela ya lika zene taha, misebezi kaufela yene taha, kono Mulimu aitusisa nkwilimba hape. Ne li Mu tabisa, Mwana Hae Jesu kiyena yana Mu tabisa luli, kuli Abonahalisa fela Yena.

<sup>99</sup> Cwale, ne ba sa lumeli kuli mbututu yo yana pepezw i mwa sicelo sa likomu sani... fapila ndata He ni mahe, bene balukela kuba cwalo, kuli banyalane. Nebasa nahani kuli Mulimu wakona kuitusisa sika sesi cwalo. Kacwalo Nana ni kuitibahaza kwa lifasi; mi zazi lani kwa nuka kwani, ha Na zamaile kuyo bonahaza Siemba sabutokwa sa Mulimu Kasibili (yene Ni ambola kakusasana kacenu)... Ha Na bile ya utwela ni kuzamaya fa mezi...

<sup>100</sup> Cwale, haiba mulemuha foo, ki yeo foo tuto yetuna. Joani neli muuna yomutuna hahulu mwa lifasi, ka nako yani. Jesu naize, "Kwali kuba kube muuna yapepilwe ki musali yomutuna yalikana ni yena," ka nako yani. Mi nali mupolofita. Mwa lumela cwalo? Cwale, muhupule, haiba Linzwi la Mulimu litaha fa sika kaufela mwa lifasi, ikaba mupolofita. Yeo kona nzila ya Mulimu nako kaufela. Kana mwa lumela kuli Jesu nali Linzwi leli bonahalile mwa nama? Kacwalo kuna ni fela nzila iliñwi Yakona kuto itibahaza ka yona; isiñi ka baprisita.

<sup>101</sup> Na si ka yo bulela kuli, "Keyafasi, kikuli uka Ni zibahalisa nj?" Kambe Na ka eza cwalo, Na ka eza mafosisa aswana ana ezize Davida mwa tuto yaluna zazi leliñwi; mwabona, kambe Naile kwa keleke, ni kubulela kuli, "Kikuli uka Ni zibahalisa?"

<sup>102</sup> Mulemuhe fela ha na pepilwe, mane. Ha Na pepilwe, Apepelwa mwa muluti wa keleke. Mi neba liza milangu ni lika kaufela, kono neli balisana bene ba Mu lemuhile, ni Balauli. Mwabona?

<sup>103</sup> Mi ki Yo fa cwale, kuya... u itukiselize bulumiwa bwa Hae. Mi haiba ki Yena Linzwi...

<sup>104</sup> Kuya ka mulelo omutuna wa Mulimu, Linzwi likona fela... "Mulena Mulimu hakuna sa ezanga konji A Si patululele kwa batanga ba Hae bona bapolofita." Wo kona muzamao wa Hae kamita, una ni kuba cwalo; Maswayo ha kwaluha, fani sika kaufela. Kezahalo kaufela yetuna ha iezahala mwa lifasi, Mulimu uka i patululela kwa bapolofita ba Hae.

<sup>105</sup> Mi Joani neli mupolofita, kakuli nasweli kupolofita kuli "Uka taha."

<sup>106</sup> Mi kwa neku la lilundu zazi leliñwi... hane kubile ngambolo, sikwata sesituna sa baprisita inge siyemi kwani. Mi se bali, "Uni bulela kuli u ipiza 'mupolofita,' ni kuyema fani mwa sileze sani?" (isiñi mwa keleke, kakuli nebasike ba mu amuhela) "Uyema mwa sileze moo, ni ku ni bulela kuli nako yataha foo Jehova yomutuna Yana lukisize litabelo zee, foo Jehova yomutuna Yana yahile tempele ye, Yana keni ku yona

sina Siita sa Mulilo, ‘zazi la taha foo sitabelo sa zazi ni zazi seo ha si ka zwiswa?’”

<sup>107</sup> Ki hali, “Kuka taha Muuna, mi Uinzi mwahala mina cwale (kokunuwi ona koo), mi *Uka* takula sibi.” Muprisita nasweli kuikambota ni yena.

<sup>108</sup> Joani atalima mwahalimu! Cwale, ki yena mañi? Ki mupolofita! Mi ki le fa Linzwi, kwataha Linzwi inge li nongile mupolofita, kukanena mwa mezi. Joani ali, “Amubone, Ngunyana ya Mulimu yetakula sibi sa lifasi. Ki Yani fani, yoo ki Yena.” Jesu na si ka bulela neba linzwi, ataha fela akena mwa mezi. Mi Nabona fani, inza yemi mwa mezi (munahane ka papali), bababeli ku babatuna hahulu babakile bahata fa lifasi: Mulimu yena Linzwi, ni mupolofita wa Hae.

<sup>109</sup> Mulemuhe, Linzwi la taha ku mupolofita mwa kalulo ya sishemo *ye*, mwa mezi (uh-huh). Ne ni hupula kuli muka li bona (uh-huh). Mwa mezi! Sinulo yapili ya Linzwi neli mwa mezi. Cwale mwabona kone kukalezi Munyaliwa, Liñusa la liseli la Manzibwana? Neli mwa mezi! Linzwi, Linzwi la niti leli si ka zwakana ni lituto za litumelo, kono la taha ku mupolofita mwa mezi, ka mezi.

<sup>110</sup> Mulemuhe! Kikuli mwakona kulemuha meto a Linzwi ni meto a mupolofita hanongana mwa mezi? Oh, zeo ki zetuna hahulu kuna. Nekuyemi mupolofita fani, fani nekuyemi Linzwi, inge ba talimana mwa meto. Mi mupolofita ali, “Nitokwa kuli ni kolobezwe ka Wena, kiñi So tahela kuna?”

<sup>111</sup> Mi Linzwi lali . . . Kuna i kuba cwalo.

Cwale haluboneñi ni mife papali fa:

<sup>112</sup> “Joani, u mupolofita, u ziba Linzwi.” Mwabona? “U Ni zibile, wa ziba Yo nili Yena.”

<sup>113</sup> “Ni tokwa kuli ni kolobezwe ki Wena,” Joani abulela.

<sup>114</sup> Jesu ali, “Tuhela kuli kube cwalo. Yeo ki niti luli, u tokwa kuli ukolobezwe ki Na. Kono hupula, Joani, kakuba mupolofita, kwa lu lukela, kamba ki swanelo kuluna (sina Linzwi *ni* mupolofita), kuli lutaleleze Linzwi *kaufela*. Uh-huh. Kakuli, Joani,” (ki ye sinulo cwale) “Joani, u ziba Yo nili Yena, Kina Sitabelo. Mi kuya ka Linzwi la Mulimu, sitabelo nesi lukela kutapiswa sisika tiswa kale kwa kutalekwa.” Kana ku cwalo? Linzwi . . . “Ngunyana ne i tapiswa kona itiswa kwa sitabelo, mi Na kina Ngunyana yeo. Mi Ni lukela kutapiswa Ni sika tiswa kale kwa lifasi ka sitabelo. Tuhela kuli kube cwalo, Joani, kakuli ki swanelo kakuba Linzwi ni mupolofita hamoho.”

<sup>115</sup> Kihande, haikoni kuba mafosisa. Cwale, yeñwi ni yeñwi ya lika zee . . .

<sup>116</sup> Cwale, mwabona, kambe ne si ka buino boo, Joani nakaba sina babañwi ba luna *kaufela*; kacwalo sebali, “Eehe, Ni—Ni ziba Yo uli yena, Mulena.”

<sup>117</sup> “Kihande,” Ki hali, “libelela fa muzuzu, Kina Linzwi. Uh-huh. ‘Mutu haana kupila ka buhobe fela, kono ka Linzwi kaufela.’ Eva azwa kuyena uh-huh, kono una ni kunga Linzwi kaufela. Mi Na kina Sitabelo, mi Ni lukela kutapiswa Ni si ka talekwa kale. Kono so bulezi, Joani, ki niti.”

<sup>118</sup> Joani kakuba mupolofita, ka kuziba kuli Linzwi nelina ni kutalelezwa, atuhela cwalo mane a Mu kolobeza. Mi ha Yo zwa mwa mezi, kwa taha Liñusa lelizwa kwa Lihalimu fa mafufa a Nkwilimba, “Yoo ki Mwana Ka ya latiwa.” A luma Liñusa la puluso ya sishemo fa mafufa a Nkwilimba, yataha inge ifufa kuzwa mwa lihalimu. “Kozo ibe mwa lifasi, batu ba shemubile.” Sitabelo sa likana hande ona fani; amano zuha, afepilwe, bulumiwa bwa Hae nese bulukile, Linzwi lene lika pulusa lifasi kamukana, “Ku felile!”

<sup>119</sup> Nkwilimba iitusiswa mwa Bibele kuba sisupo sa kozo, mi hape iitusiswa ki linaha kuba sisupo sa kozo. Luna ni linaha... Naha yaluna iyemelwa ka mbande. Mi kuna ni linyunywani zeñswi za linaha zeñwi, Rome ina ni mbande, Germany ina ni mbande; buñata bwa zona, linyunywani zetuna za lihalimu. Kono mwahala zona kaufela, nkwilimba iyemela kozo mwa linaha kaufela. Kinto ya silundwamanji.

<sup>120</sup> Inge fela Muzwale Green mwa na bulelezi busihu bobuñwi, Muzwale Pearry Green naize, “Sisupo sa kuipa ki ‘kunanula mazoho a hao.’ Naha ifi kaufela, kunanula mazoho a hao, ki kuipa.” Ki hali, “Ha mu opela, mwa manula mazoho amina, mwa ipa kakutala.”

<sup>121</sup> Mi nkwilimba ki sisupo sa kozo mwa na ha ifi kaufela. Kiñi hauku eza cwalo? Bakeñisa musa wa yona, ni bakeñisa kutokwa ñole kwa yona. Kona ha iyemela kozo.

<sup>122</sup> Nto yeñwi ka nkwilimba, ki nyunywani yelata fa lapa. Itabela kuina fa lapa.

<sup>123</sup> Mi nto yeñwi ki ye, ya ishuwa kamita ku mulika na yona. Nkwilimba, ya muuna kamba ya musali, hali siyanangi. Ya musali yani ifumana mulikana yona mwa linako za kukopana. Mwabona, zeo za zamaeleta ni pupo ya Mulimu. Kona sa Na bupezi Eva kuba sibyana sesi zwile ku zebupilwe. Mwabona? Kambe na bupilwe sina zeñwi kaufela za sisali, nako ya hae ya kukopana haitaha, na ka fumana mulikana hae; kono yena wa tabelia ka nako kaufela. Mwabona? Mi cwalo kona nzila, kona mo kuinezi. Na fela... Ha lulati kukena ku zeo, kakuli Nina ni zona fa *Linyalo Ni Telekano*, ni zeñwi cwalo. Ni ka mo li... Kono kanti wa kutekeha mi utisize likute leo, mi mwa ziba mo ne Ni kutalelize fateni busihu bobuñwi. Ku lukile, mulemuhe, una ni musebezi omutuna.

<sup>124</sup> Kono nkwilimba ina ni likute kamita ku mulikana yona. Kamita! Haina ku i siya inosi.

<sup>125</sup> Mi mwendi Ni yeme fa pili ka muzuzu fela, kuli ni bulele cwana: Munyaliwa wa niti, nkwilimba ya musali, ina ni likute ku Mulikana yona, hape. Haina kukenya mwateni lituto za litumelo, lituto zeñwi za likopano, sika kaufel sa lifasi. Ika pila ka kusepahala ku Mulikana yona, yoo ki Linzwi; kamita ka kusepahala.

<sup>126</sup> Mi ka mukwa wa kulata kuina fa lapa woo, ka mukwa wa yona wa kulata kuina fa lapa, itusisizwe hande siba nkwilimba ye lumiwa. Kakuli ilata kuba fa lapa, mu sa ifufiseza kusili, ikana ikutela kwa lapa kamita. Ika kutela kwa lapa.

<sup>127</sup> Lu tabela kutiisa fa tabo yeo fa nako nyana, ni mina Bakreste mu utwisise se Ni talusa. Kamita ina ni kufumana nzila ya kukuta kayona kwa lapa, kabakaleo he itusisizwe sina nkwilimba ye lumiwangwa. I itusisizwe mwa linako za ndwa, i itusisizwe cwalo; ba sa itusisanga zona, linkwilimba ze lumiwangwa kulwala liñusa. Kacwalo mwa bona he, seo kona sesipanga nkwilimba, bubeli ka Mulimu ni mutu, ki mulumiwa; nkwilimba ki mulumiwa. Neli mulumiwa ku Nuwe, kubulelela Nuwe kuli “kuna ni kozo hape.” Ne i tusisizwe ki Mulimu kupaka kuli yo neli Mwana Hae, “Sitabelo sa kutisa kozo mwa lifasi ni kushemubiwa kwa batu.” Ne i tusisizwe sina mulumiwa.

<sup>128</sup> Ona fa Nina ni likande nyana mwa munahano waka, Ne ni balile nako yeñwi mwa buka. Cwale, Hani lati kubulela kuli taba ye ki yaniti, hakulata inzi mwa buka ya *The Decline of the First World War*. Ha ni zibi hande ka zeo cwalo; haiba mu sa ibomi mwateni, konakuli Ni fosize. Mwendi není balile mwa buka... seli myaha yemiñata cwale kwa mulaho. Kono neli ya luli ka—ka...luli neli—neli nto yesehsa yene ezahalile.

<sup>129</sup> Masole ba America neba bitezwifafasi ka litobolo zetuna za lindalamiti za ma German, mi nebali mwa musima cwalo. Mina masole, Na sepa, mwa utwisisa mone bailo tweela kokuñwi. Mi ba bitelwa fafasi, mi ba siyala fela ni lilwaniso zelikani fela. Mi ma German neba zamaya mwa likwata zetuna, kuhatikela kai ni kai. Mi neba ziba kuli kwanda kuba ni limpi, tuso yeñwi cwalo, kuli neba ka shwa cwanoñu; (nebana ni kuba cwalo) ma German inge bataha kushetumuka fa lilundu, inge batalima fa mulala wa bona, inge baya mwahala zona cwalo.

<sup>130</sup> Mi alimuñwi wa bona ahupula kuli nana ni sisupo sa kozo, nkwilimba nyana. Kacwalo aziba kuli nkwilimba ye, hane ba ka zwela kwande, neika isa liñusa kwa linkambe zetuna kone baka yo fumaneha. Mi kacwalo baina fafasi ni kuñola ka pampili, “Lu bitezwifafasi mwa sibaka sa *kuli* mwa neku la sibaka sa *kuli*. Haluna litobolo, mwa lihola zelikani lutokwa kuipa ibe pwapwa kamba ba lu silaha.” Mi ba mameka cwalo, kamba ku ka tama kwa—kwa lihutu ka nkwilimba kai ni ku ka tamulula.

<sup>131</sup> Cwale, ki nyunywani yelata kuba fa lapa, kacwalo ya... i eza sikamañi? I kutela kwa hae kuyo... kopanao, kuyo fumana mulikana yon. Ne i bilaela ka yena, neina ni kukuta kwa hae.

<sup>132</sup> Mi hane kaya cwalo, ma German babona sene siezahalile. Kacwalo taba yateni yene baeize, bakala kukunupa nkwilimba yani. Mi alimuñwi wabona aikunupa ka tobolo ya .30 yebizwa caliber, kamba lilumo, ya lobeha lihutu. Yomuñwi aloba siemba tuna sa lona sa mukokoto wa lona. Sifuba sa yona sa lobeha kuyofita kwabuse. Leliñwi la mafufa ayona la kweta, kwa mafelelezo, mi yafufa kafa ni kafa. Kono yatundamena ku kambama, mi mafelelezo yakwanisa. Neli sihole, ne i holofezi, inge ilobehile, inge i kubuhile, kono yawela mwa mafulo ni liñusa. Lani neli liiba lelinde.

<sup>133</sup> Kono, oh, muzwale, Isaya 53 ilu bulelala Alimuñwi, ataha kuzwa kwa Lapa ni zeneli zende kaufela.

*Kanti sa na holofalezwi ki libi zaluna, sa na titikezwi  
ki bumaswa bwaluna: koto ye lu fumani kozo ka yona  
iwezi yena fahalimu; mi halu folisizwe ki ka miupa ya  
hae.*

<sup>134</sup> Matuku, mabibo, ni mioya yelunya neilu bitezifafasi, nekusina nzila ya kuzwa ka yona, keleke ne i ile mwa bumaswe, nebakeni mwa litaba za likopano (mi Bafarisi, Basaduki, ni za kutapisa mipika ni lipani), mi Linzwi la Mulimu lafeliswa mata a lona. Kono Nkwilimba nyana ye yatuluka, mi kuna ni fela nto iliñwi yene ngile sibaka: nekuna ni kuba muliululi.

<sup>135</sup> Kono ka ku holofala, kulobeha, kunatwa, kupazulwa, kono Ya ziba nzila ya kukuta ka Yona kwa Hae. Konakuli kuzwa fa sisipahanano sa Kalvari fone ba Mu holofalize, ku Mu nata, ku Mu pazula, inge sikhwata sa litongwa fahalimwa Hae, Afufa kuzwa fa Kalvari mi Ayo lula mwa minyako ya Lihalimu, ali, “Ku felile! Ku felile! Ba lukulihile! Matuku a kona kufoliswa cwale! Baezalibi bakona kupiliswa! Bazike bakona ku lukuluha!”

<sup>136</sup> Niha Na titikilwe ni ku holofazwa, ndwatuna yani kwani mane ni kaufela zene Mu lwanisa... Neba muloki na bulezi kuli:

Macwe a pazauha mi mahalimu a unsufala,  
Mupulusi waka ainamisa toho ya Hae mi  
ashwa;  
Kono lisila le li kwaluha la bonisa nzila  
Kuisa kwa tabo ya Lihalimu ni lizazi lelisa feli.

<sup>137</sup> Ni bile ya lyangani hala bupilo bwaka kaufela. Kakuba mushimani yomunyinyani fela nekuna ni sene si ni tahezi, mwendi ka lilimo ze sebeen kaufela ne si ni ezahalela. Muzwale Jack wa hupula ha Ni kala ka nako yapili, nenizwa mwa simu ka silimo; sesiñwi sa ezahala.

<sup>138</sup> Na hupula lizazi lani Juanita Hemphill... Ni sepa kuli libizo la hae ki Juanita Kelly cwale, na nyezwi ku Muzwale

Kelly kasamulaho wa lifu la muuna hae. Anna Jeanne, Nina ni maswaniso a bona ni lika zeñwi, nebali ba... Mi yena... Ni bona basizana bababeli bani ni Kezeli Moore nebana ni—ni pina babalalu. Ba opela pina ye Ni sike na libala: *Kutalima Kwabuse Bwa Malikelelo*. Muzwale Jack, wa hupula, Na sepa, hane nizwa kwa Florida. Ha ki basizana kwa bunde.

<sup>139</sup> Mi Na hupula kakusasana wani sikhata nyana sa Mapentekota sa kwanu mwa siemba sa mutulo wa naha ye, mwa Michigan kokuñwi, basizana bani nebayemi fani Muzwale Hooper inge a... Ne ni muboni kwanu busihu bobuñwi, Na... hakulata haayo mo cwale, Muzwale Ed Hooper. Kana uteni mo, Muzwale Ed? Ha ni sepi kuli u... Naliteni mo busihu bobuñwi. Hakuna... Buñat bwa mina mwa muziba. Yena ni Na, ni Muzwale Hooley, nelu funduka. Mi basizana bani nebayemi fani kwa lilulu inge baopela, balufa iliñwi, ifi ni ifi kaufela, palisa ya mubala wa yelo yene zwile mwa milili yabona. (Kwani kona kone kufolisizwe sipulumuki sani, lika zetuna ne lingile sibaka.)

<sup>140</sup> Inge nitaha mwa nzila ni tabo fela luli mo Ni lukela kubela, hañi-hañi fela za ni tahela; kasamulaho wa silimo Ni si ka kena kale mwa simu hape, za ni bulaya fela.

<sup>141</sup> Kuzwa kwa bwanana bwaka, Ne ni bulelanga kamita kuli Neni sa zibi pono kuli neli sikamañi. Mushimani nyana fela, Na kamita nenii bulelala kuli, “Haiba Ni—haiba Ne ni ka kena fela mwa lipono zani, ni kubona sani, Ne ni ka fola.” Nako yani... Ne ni batanga nako kaufela kuya kuba Mayo ku yo batisisa sesi fosahalile. Madokota kwani... .

<sup>142</sup> Mba yaka ikala kunyapa; mi oh, mawi! Muzwale Jack u ni tusize kutaha kwa ndu. Na zamaya kupotoloha ndu; mi neli fela mafula acisa inge mezi cwalo, analongoka mwa mulomo waka. Ni kuya kwa katala, ni kulapelela bakuli bene bakula hahulu kunifita, mi ba foliswa. Ni ba boni inge babeya mazoho fa bakuli ba kansa kwa lifateho, mi kansa yazwa kwa lifateho zabona, inge bayemi bani; mi Ne ni kulile hahulu mane Ne ni palelwa kuyema.

<sup>143</sup> Mi ha mu zibi ze Ni fitile kuzona; neli kulyangana fela mwa toho. Myaha ye sebene kaufela yebile itaha, mwa bupilo bwaka kaufela. Kona fo Ni inzi cwale, ma eiti a sebene.

<sup>144</sup> Kacwalo Ne nili—Ne ni katalizwe hahulu; Na lila, Na kupa, Na ikataza.

<sup>145</sup> Mi Na hupula ha Ni to hupula kuli Ne ni nani masheleñi akuya kuba Mayo kwa kutatubiwa; se bali, “Baka fumana butata bwa hao.” Musala ka ni Na, ni Becky kwa mulaho kwani... Sarah neli yomunyinyani, neli mwanana fela. Kona hane ni keni fela mwa bulumiwa bwaka bwa foliso. Mi lwa fufela ku ba Mayo.

<sup>146</sup> Na kena mwa sipayela. Mi busihu Ni si ka fumana kale... naba ni za mafelelezo kakusasana otatama, Na zuha fela ni kuina fa mumbeta fani ni kutalima kwa ni kwa. Mi Na talima fande

kwapili, mi nekuna ni mushimani yomunyinyani, yana bonahala fela inge na, wa myaha ye sebene ya kupepwa; mi na talima fateni, mi *neli* na. Mi na yemi bukaufi ni lisina la kota. Mi fa kota yani . . .

<sup>147</sup> Ufi wa mina kaufela ya zumanga tumale uziba kuli wakona kufalula kakota fa kota sina yecwalo, mi li ka sabisa kamale ni kuka sabiseza kwhahule haiba kainzi mwa mpako.

<sup>148</sup> Mi Ne niinzi fani fone kuinzi kamale kale, mi Na hupula kuli, “Ki kamale ka mufuta mañi kani?” mi Na falula fateni. Mi ha Ni mano eza cwalo, Na talima fabuse mi neli na ka myaha ye seti-eiti ya kupepwa, mushimani yomunyinyani na sa hulile. Kacwalo Na falula fa mutai wani, mi kuzwa mwa mpako yani, musumo, kwa zwa kamale kakanyinyani mwendi kakatelele *cwana*, kakansu, bunsu cwalo, mi kwa bonahala inge malaiti azwa ku kona; meto amasisani cwalo, kanto kakabonahala bumaswe hahulu ku ze Ni kile nabona, neka bonahala inge kapifo kufita kamale.

<sup>149</sup> Mi ka ni talima. Mi Na kwalula mulomo waka ni kubulela kuli, “Kihande . . .” Mi ha Ni eza cwalo, ka . . . U si ka kobja kale liito la hao, ka fufela mwa mulomo waka, ka kena mwamba, ni ku ni kulisa maswe maswe. Mi ha Ni zwa mwa pono, ni mazoho aka mwhahalimu, inge ni tona, Naya inge ni huwa, “O Mulimu, uni utwele butuku! Ka ni bulaya!”

<sup>150</sup> Na utwa Linzwi mwa muzuzu, le lili, “Hupula, kakuma fela fa mainci a silezi mwa butelele.”

<sup>151</sup> Ki ba bakai baba utwile liande leo? Ni mi bulelezi lona linako zeñata, sicaba sa mwa tabernakele.

<sup>152</sup> Kihande, kuzwelapili ni kuzwelapili nautwa ona cwalo, ka kuswana fela.

<sup>153</sup> Ba Mayo Brothers, habusa, ba ni tatuba. Bali, “Bondataho neli ma Irish, neba nwa. Bomaho kakuli nebali ma Indian, seo sikueza wa mali amabeli. Kacwalo u kaba . . . una—una—una ni fela kuikalelwa hahulu konji mane haupalelwa kuzwa ku zeo.” Bali, “Hakusicwalo, u iketile hande. Kono seo, seo ki sika mwa moyo sa sakoni kuzamaisa mutu.” Bali, “U kaba . . .” Bali, “Mutu ha shwa, habakoni kubatisisa se si mu bulaile, kakuli moyo wa hae uicongile.” Ki hali, “Kihande, hauna kufola ku zona.”

<sup>154</sup> Mi mutangana yani ali, dokota waka, ali, “Bondate nebana ni zeo, bashwile ka myaha ye eite-faifi, myaha ye nainte ya kupepwa,” sibaka sesiñwi kwani, a bulela. Mi ali, “Kweli kamba zepili basika shwa kale, Na ba tatuba; nebana ni yona mwa bupilo bwa bona kaufela, neba banga cwalo” ali, “mioya.”

<sup>155</sup> “Batu babañwi,” bali, “ba katazwanga ka zona, ki ba kacima-cima”; bali, “kona mufuta oswana o ka ku bulaya.” Ki hali, “Mufuta omuñwi, sina basali mwa kuyema buino bwa sisali. Una ni mufuta wa maikuto a mukatalo o cwalo.” Bali, “Baikale

neba li biza kuli ‘wa maswabi,’ na sa ba tuheli.” Bali, “Zeo ha li kutahela, mba ya hao ya nyapa; u filikani fela.”

<sup>156</sup> Se nili, “Kono, muñaka, Hakuna se ni eza.” Se nili, “Ni tabile.”

<sup>157</sup> Bali, “Yeo ki niti. Zeo lizwelela fela mwa sipau-pau sa mutu.” Bali, “Ukana ukatazwa ki zona.” Oh, ha ki taba kwa kuzwafisa!

<sup>158</sup> Kono haili manzwi, ka kunahana cwalo, “Muhupule, ki mainci a silezi fela,” zeo za ni kumalela, sina musala ka kwa mulaho kwani kuli wakona ku mi bulelela. Mwaha kasamulaho wa mwaha, Ni bile ni nahana ka zona.

<sup>159</sup> Mi he, ha ni ya kwabuse bwa mawate nako yefelile ye, Nenili kwa . . . kale. Kihande, Ne ni kutezi kwa hae, mi Na ya fa musipili wa kuzuma tumale. Na tula mwa mota ni Muzwale Banks Wood, yasweli kuteeleza busihu boo, mi Na kala kupahama lilundu, mi kwa bona hala kuli pilu yaka ya kumuha kuna.

<sup>160</sup> Mi Na buza Dr. Sam Adair, Na li, “Kiñi zeeza cwalo?”

<sup>161</sup> Ki hali, “Nako yetatama hauba ni zona, u be ni kadiogramu.”

<sup>162</sup> Nali, “Ku lukile.”

<sup>163</sup> Kacwalo kwa ezahala hape mwa—mwa mwaha otatama, mi na yonga kadiogramu. Ki hali, “Hakuna se si fosahalile ni pilu ya hao,” ali, “u ikalezwi fela.” Zakala kutaha hape.

<sup>164</sup> Kihande, dokota yomuñwi ali kuna, mulikana ka yomunde, ali, “Yeo ki pilu ya hao, mushimani,” ali “ulukela ku tokomela.” Sani kona silimo sene Ni bizize Muzwale Moore mi afumana wa kukutaza mwa sibaka saka, ha Ni ya ku yo zuma litotolo ni Muzwale Fred. Ne ni kambama malundu inge mo ne Ni pahamela hane Nili wa myaha ye sikisitini, maili mwamulaho wa maili, inge ni mata; hali si ka ni kataza ni hanyinyani. Mwabona?

<sup>165</sup> Na kuta kuto bulelela Sam. Ki hali, “Kihande, kuna ni se si fosahalile, ulukela kutokomela.”

<sup>166</sup> Ki ha Ni bona pono ya dokota wa mucembele inga yemi ni . . . dokota wa mufuta wa kale ni stesosikopu mwa lizoho la hae. Ki hali . . . Na yemi kwapata kuna zazi leliñwi, ki hali, “Usike wa ba lumeleza ku kubulelela kuli ‘ki pilu ya hao,’ ki mba ya hao.”

<sup>167</sup> Kacwalo, Na—Na hupula kuli, “Kihande, Ni ka amuhela fela linzwi leo, kakuli neli pono. Ya taha.”

<sup>168</sup> Na liba kwa Africa; na yo tabiwa lindonga. Neni na ni kutabiwa lindonga zeñata ni sikaya kale kwa Africa, kona mulao. Kacwalo, hane Ni tabiwa lindonga, ki hali, “Kiñi, Hakuna ze ni bona ze fosahalile kuwena.” Ali, “Mali a hao, mali ki nainte-sikisi, ki nainte-sikisi.” Ali, “Kambe una ni myaha ye sikisitini ya kupepwa, nekusike kwaba ni—nekusike kwaba hande.” Mi ali, “Nosike wafita fa myaha ye mwanda. Maswafu, lika kaufela,” ali, “u i ketile; hauna shuka, hakuna.”

<sup>169</sup> Se nili, “Ni itumezi.” Kacwalo Na amuhela tatubo ya mubili, mi—mi ni kunga se—se setifiketi yaka kuba katengo.

<sup>170</sup> Kacwalo, ki hali, “Wa ziba taba ka zeo?”

<sup>171</sup> Se nili, “Hakuna sika kwanda kubila fela mwamba ka tundamo nako kaufela.”

<sup>172</sup> Ki hali, “Kihande, Ni ka ku bulelela.” Ki hali . . .

<sup>173</sup> Se nili, “Oh, Ni tatubilwe. Ni bile kuba Mayo Brothers, ni kai kaufela.”

<sup>174</sup> Ki hali, “Kono libelela fa nako nyana.” Ki hali, “Fokuñwi litombo za mwamba ki zenyinyani kufitela mulyani wa upala kumiziwa fa mamuzo; mi fokuñwi ki sesituna hahulu kuli sibonahale, kakuli x-ray yona ki muluti fela. Mi sitombo nyana fela, hamukoni ku si bona, hasina ku lamatela. Ki litombo nyana za mwamba zekona kueza cwalo.” Ki hali, “Ni ziba dokota wa mucembele kwanu ya fumani sipangaliko, ba si fumani cwale; bakona ku ku lobaza ka mulyani obizwa sodium pentothal, ba kenya mupila mwa mumizo wa hao, mi ba katalima fela mwamba ya hao ni kubona butata bwa hao.” Ali, “Yena . . .” Ali, “Ki mutu wa bahenu, ki Mukreste.” Ali, “Kiñi hausayo muboni.”

<sup>175</sup> Na nga libizo la hae: Dr. Van Ravensworth. Kacwalo, ha Ni yo kuta, Na yo bona dokota. Oh, ki muuna muhulu yomunde yazwa kwa Dutch East Indies, uwzelela kwa mukoloko omutuna wa bakutazi ba evangeli. Mi na utwile za ka ni kubala buka yaka, mi oh, ani swala mwa lizoho, mi ali, “Muzwale Branham, Nikaba ya tabile ku utwa ku wena.” Ki hali, “Ni ku bulelele za kueza; biki yetaha uka matela kwa sipatela kwanu,” mi ali, “mi u ni lizeze u si kaya kale.” Mi ali, “Nina ni ku kufa ndinga ya pentothal.” Mi ali, “Mi ha se Ni tabilwe,” ali, “ika ku lobaza ka mizuzu yeketalizoho.”

<sup>176</sup> Musizana waka yomunyinyani na i lo kumulisa fela liino, ni musizana wa Muzwale Neville. “Kulobala kwa mizuzu yeketalizoho,” Na hupula, “zeo halina ku ni bilaeza.” Kacwalo, Na hupula kuli nekunaba fela hande kanti, ka li talima.

<sup>177</sup> Mi cwale habusa kakusasana, Na zuha fa mumbeta ni kutalima kwa ni kwa, Na talima fa mumbeta wa batu bababeli; musala ka inge alobezi fani, na si ka zuha kale. Mi Ne ni sweli kutalima mwa lihaulio fahalimwa Malundu a Catalina kwani ko Ni pila, mi Na talima fahalimu fani kone li ni beile Mukwale mwa lizoho Lingeloi la Mulena, koo Mangeloi a sebene e mubona mwa siswaniso na bonahalezi, lika zetuna za ezahala.

<sup>178</sup> Mi Na talima, mi ha Ni talima, ne Ni yemi bukaufi ni kota yani hape, fone kuinzi ona kamale kani. Na talima mwahalimu, Na hupula kuli, “Wani kona musima wa kamale kani.” Mi Na hupula kuli, “Hani zibi haiba ka sali mwateni?” mwa pono. Na falula kwatuso a kona, ki kao ka longoka. Mi Ni sika kobya kale liito laka . . . Neli kamale kene ka bonahala kuipitela hahulu ku

to Ni kile na bona; cwale, mu lukela kuziba bulumiwa bwaka kuli muzibe lisupo ze ni lika zeñwi. Ka ni tulela kono ka wela kusili; ka mbwinja mwa mulomo waka, ka nata fa sifufa mi kawelafafasi.

<sup>179</sup> Mi ha kawa felafafasi, Na utwa Sesiñwi sali, “Zamaya kwa kwa Malundu a Catalina.”

<sup>180</sup> Kacwalo Na fetuha, Na li, “Meda, kana wa ton, Mulatiwa?” Mi Na mu zusa.

<sup>181</sup> Ki hali, “Ki butata mañi?” Mwendi ka faifi kiloko kakusasana.

<sup>182</sup> Se nili, “Ne ni talimela fande, mi Na bona kamale kani hape, Mulatiwa.”

<sup>183</sup> “Kamale mañi?”

<sup>184</sup> Se nili, “Kona kone Ni boni kwani kuba Mayo.” Se nili, “Wa ziba kana? Ka mbwinjize mwa mulomo waka fa cwale, haka si ka ni kena mwahanu, ka natile fa sifuba.” Se nili, “Kulumbwe Mulimu! Ni talimile, oh, kuzwa inge nili fela mushimani, Ni lakalize kubona seo hasi ezahala. Kambe Ne nika bona hasi ezahala, neba kuli... Kale Ni si ka ziba pono yani, kambe Ne nika bona fela sani kuezahala, mi se Nili, ‘Nikaba fela hande. Kaufela sene ni bulelezwi, kona se Ni ka ezahala.’ Mi ka myaha ye mashumi amane Ni libelezi ona nto yeo, mi kwani ya ezahala.”

<sup>185</sup> Kale, hane Ni likwa Mayo, nako yeswana hane Nili kwani habani fa liñusa lani, se Ni bona . . .

<sup>186</sup> Boma ba macembele se baile kale kwa Kanya cwale, musali ya ipitezi luli. Nebana ni litolo zetaalu kamba zene mwa bupilo bwa bona, mi nelibanga za niti. Nebani bulelela zona, mi ni . . . Haneba ni buleelanga, Ne ni bulela . . . Ne ni bulelanga kuli, “Hamu tuhele . . . Ima, Ni ka mi bulelela mo i felela.” Mwabona?

<sup>187</sup> Kakuli nako kaufela ha u ni bulelela tolo kuli ni toloke, ha u ni buleleli ona cwalo mone i inezi. Mi cwale ha Ni ibona nina, Na bona ina cwalo luli mo no lolezi, kipeto Wa ni bulelela seo ili sona. Mwabona? Ha u lukeli ku ni bulelela tolo yateni, Wa ni bonisa Yena. Mwabona? Mi cwale ha Ni ibona, Ni li, “Kihande, ha u si ka ni bulelela *se* ni kuni bulelela *sani*.” Mwabona? Mi kacwalo Mulimu yakona kutoloka tolo, wakona ni kubonisa tolo; Wa kona kubonisa iliñwi, Wakona ku itoloka. Mi kacwalo he . . .

<sup>188</sup> Kihande, kikuli nekusina zecwalo mwa Bibele, ali, “Haiba wakona . . .”? Na—Na . . . Za taha fela kuna. Daniele, ne si cwalo kana? Batili, Josefa—Josefa. Kihande, liteni mwa Bibele. Ni hupuzi fela zeo, ali, “Haiba ukona ku ni bonisa . . . Haiba ukona ku ni bulelela seo . . .” Oh, ki Mulena Nebukadinezare, yeo ki niti. Ali, “Haiba mu ka . . . Haiba hamukoni . . .”

<sup>189</sup> Ba mabibo bali, “Aku lu bulelele tolo.”

<sup>190</sup> Ki hali, “I ni tobezi bati.” Yeo ki niti, kuli, Ni hupuzi fela cwalo; ni nahanile fela ka yona.

<sup>191</sup> Cwale mulemuhe. Mi Boma, se bali, “Billy,” ha Ni yokuta, se bali, “taha kwanu mwana ke, mi naina fafasi.” Se bali, “Ni bile ni tolo yesabisa. Ni lolile kuli Ni kuboni inge ulobezi ukulile maswe, bukaufi fela ni kushwa, bakeñisa mwamba sina kamita.” Ki lico zekai ze ba ni tatehezi! Mi se bali, “No sweli kuyaha ndu fa lilundu.” Mi bali, “Na bona tankwilimba totu silezi hatuzwa kwa lihalimu, inge tulila, mwa taku ya ‘S’ mi twalula fa sifuba sa hao. Mi no talima, mi kene kali kwapata ne ka lika ku kubulelela sika.” Bali, “Netu bonahala bunde luli, tankwilimba totusweu. Mi twa beya litoho fa lilama la hao, ni kulila, ‘coo, coo, coo.’” Mi bali, “Ne ni si ka utwisia.” Bali, “Netusweli fela kulila, ‘coo, coo, coo.’”

<sup>192</sup> Se nili, “Oh, Na bona, kulumbwe Mulena!” Mi ali, “Ne tuezize taku ya ‘S’ hape ni kukutela mwa mbyumbyulu, inge tuyu ‘coo, coo, coo, coc,’ ha tu kutela kwa hae.”

<sup>193</sup> Kihande, ka folofolo kone Ni boni neli ma inci a silezi mwa butelele. Muhalala wa linkwilimba one ba boni Boma neli silezi, silezi ha i si ka kwanelela. Ne ni ziba kuli zazi leliñwi Ni ka bona yani ya busebene. Yani neli mutu, kunyanda; ona cwalo ni cwalo za zwelapili.

<sup>194</sup> Kakusasana wani, Na zuha kasamulaho wa kubona pono ye; Na utwela Mulena. Na nga mushimani waka, Joseph, kuya kwa sikolo. Wa ni teezeza cwale, mwa Tucson. Na muisa kwa sikolo, mi na bulelela Meda kuli ha Ni zibi ha ne Ni ka yo kuta.

<sup>195</sup> Mi Na funduka kuliba kwa Catalina, kukambamba mwa—mwa malundu ka mahutu, mi—mi na yo fita mwa sibaka koo Lingelo la Mulena haliyo beya Mukwa mwa lizoho laka. Neli kakusasana luli; mi na kala ku kambama lilundu.

<sup>196</sup> Kihande, kufita kuli ni pahame malundu ani neku *le* (kwani kokuna ni linoha zeñata, ni tubanke, mwa ziba Arizona mo iinezi), Na fetuhela kwa silyo saka; Sesiñwi sali, “Sikuluhela kwa silyo.” Na kena mwa malundu amatelele; Na yo potoloha, mi Ne ni ya inge ni potoloha macwe amatuna ani, amatuna luli kufita tabernakele ye, inge lobezi fahalimu fani fo ku sa koni kufita mutu mane.

<sup>197</sup> Mi mwendi ka ilebe kiloko cwalo, Na kena mwa liñope nyana, kone kuna ni...sibaka nyana sene sili inge *se* mwa kanzila ka liputi. Mi Ne ni tubuzi hembe, kuwani inge ili mwa lizoho, kakuli Ne ni sweli fela kulota situkutuku. Mi kacwalo Na kena mwahali, mi ha Ni kena fela mwa liñope nyana lani, Na utwa kubateni kwa Mulena. Na yumba kuwani yaka ni kutilima kwa ni kwa. Na hupula kuli, “Uteni fa kokuñwi. Ni ziba kuli Uteni faa.” Na hupula kuli, “Ki sikamañi sani?” Na ya fapili nyana ka mihato. Se nili, “Mulena, Uteni fa kokuñwi.”

<sup>198</sup> Mi Na talima inge ni lobezi mwa kanzila, mi ki kaale kamale inge lapami fani; ne ka tulezi fokuñwi mi ka mbwinja, mi ka inata fa sikusha sa miutwa (yeo ki miutwa ya mikakani yelamatela). Ya taba mwa toho yakona, fa sifuba, fa mba, mi ne ka shwile. Kamale kene ka bonahala bumaswe kani, ne ka mbwinjize mulomo waka ni kuwela fa miutwa yani. Mi Linzwi la Mulena lali, “Sila sa hao si shwile.” Na yema fani, mi Na njanja. Na yema ka mahutu ni ku- . . .

<sup>199</sup> Hañita mañwalala ne aka icela kona. Na bulaya noha, mazazi nyana kuzwa fani, ne iinzi mwa nzila mwendi licika la hola. Kuna ni limbande kamita ni mañwalala afufa-fufa kwani, mi aka ipamula kapili cwale. Na bulaya noha ya mwa mibalabala inge kankuni, noha ye buhali hahulu ku ze lunani; inge ilobezi fakaufi na, mazazi nyana kuzwa fani. Na kala kukuta mwa mulaho kuli ni inanule kuibonisa, mañwalala na sa ka cile kale, mañwalala na fufa-fufa.

<sup>200</sup> Mi ne nze ilobezi fani kuzwa fo Ni bonela pono, mazazi amabeli kwa mulaho; Ni lumela kuli neli la Pelekelo, mi Na ya kwani la Mubulo. Kacwalo he neili fani, kali kulobala fani inge ka shwile. Na ka lubaka ka lihutu laka.

<sup>201</sup> Na kuta mwa lulaho kupotoloha, nainafafasi hape; naina fani ni kulila mwateri hanyinyani, ni kulapela; na talima mwa Tucson, limaili fafasi kuna.

<sup>202</sup> Na potoloha ni kukuta, neisa liteni fani. Ha ni kena liñope lani Moya wa Mulimu wataha kuna hape.

<sup>203</sup> Na fita kwani kupotoloha, na shetumuka lilundu. Na yo bulelela musala ka, Na li “Mulatiwa, Ha ni zibi, kono Ni ka feza lika zee.”

<sup>204</sup> Dr. Ravesworth, ha to ni tatuba, a li, “Ha ku konahali kuil ube yaiketile.” A ni taba ndinga ya pentothal yene kaba nina ka mizuzu yeketalizoho, mi Na lobala lihola ze lishumi. Kacwalo he mulwani wani, neba spirin ya ni letukisanga luli. Kacwalo he . . . A ni taba ndonga, a ni kenya mupila wani mwa mumizo. Ha ni yo lemuha, mi ani bulelela habusa, ki hali, “Revurende, Ha ni lati ku kubulelela taba ye, kono” ali “limota la mba ya hao mane litile maswe, li omile ñoo.” Ne ni si ka ibona; na itusisize libizo la *gastritis*, mi Na yo talima mwa buka ya litaluso za manzwi mi neili, “nto ye omelezi kunyana.” Mi ali, “Haukoni ku foliswa.” Ki hali, “Ukana u katazwa ki zona.” Mi ne Ni ka ba mushimani ya zwafile kambe ne si pono ya Mulena.

<sup>205</sup> Mi habusa Sesiñwi sa li, “Kutela kwa lilundu.”

<sup>206</sup> Mi zazi lani kufita kuli ni zamaye ka nzila yeswana, Na iswa kwa nzila isili. Mi Ne ni yemi fani; mi natalima, kwapili kwani, nekuna ni ka busebene kakanyinyani, nkwilimba yesweu inge ini talimela. Na itiinya mwa meto, se Nili, “Luli, ki pono; luli, ki cona.” Na talima, mi Na li, “Ka nkwilimba tuwe, u zwa

kai?” Kakande fela mi kakasweu, neikaba liiba; kambe sikamañi kaufela, kwani mwa lihalupa.

<sup>207</sup> Mulimu Yamata kaufela, yana zusize Jesu Kreste kwa bafu, Yoo nili mutanga Hae, ni Linzwi la Hae inge le libeilwe fa, likwaluhile fapila ka, liziba kuli Ni bulela niti ha ni pumi.

<sup>208</sup> Ki yani nkwilimba neili fani, ne ilulile inge ini talima. Na zamaya zamay, Na hupula, “Kaniti, ki pono.” Na sikulula toho yaka, Na talima kwa mulaho, mi kali kuina fani; ni mafufa alikanani ani, a masweu, kakasweu twaa mo ka kona kubela; mahutu ayona, a mubala wa yelo; ni mulomo olikanani, wa mubala yelo; yali kulula fani inge ini talima. Ne italicima kwa neku la wiko. Na i potoloha *cwalo*, Ne ni si ka i swala kusina libaka. Na zamaya kupahama mwa kanzila kani; na itemuna, mi kiyani yali kuina inge ini talima.

<sup>209</sup> Muzwale, kakuba mwana wa Abrahama, ha Ni zika tokomela za ni bulelezi dokota, Ni kaba hande, kube cwani kaufela!

<sup>210</sup> Zazi la bulalu Na kuta, Ne ni sweli kupahama fahalimu hahulu. Mi buñata bwa mina mwa ziba pono ka za nduna wa mu Indian yana pahama limota lani kuliba kwa wiko. Sesiñwi sa ni kelusa ni kutalima kwa licwe lelituna, mwendi musihali tuna, sali, “Isa mazoho a hao foo mi u lapele.” Mulimu mwa Lihalimu u ziba kuli ye ki niti.

<sup>211</sup> Na beya mazoho aka fa licwe ni kutalima kwa Lihalimu ni kukala kulapela. Na utwa Linzwi lelizwa fahalimwa macwe fani, lali, “Kiñi so yendamezi, fa pilu ya hao?” Mi Na kuta mwa mulaho sina cwana, maheta ainzi situtu; nenili situtu kuzwa mwa teka kutaha kwahalimu, ne ku cisa. Na talima kwa mulaho. Mi ne ku ñozwi fa licwe lani, mwa licwe kuli, “Mbande Yesweu”; ona cwalo fela mone ibulelezi pono kuli Liñusa lelitatama nelika taha cwalo.

<sup>212</sup> Ne ni tabile hahulu, Na matela kwa hae; na yo shimba kamera ni kukuta zazi lelitatama, ni ku to i swanisa. Ne i sa li fani, kwa ñolwa mwa licwe: “Mbande Yesweu.” (Nkwilimba yezamaisa mbande.)

<sup>213</sup> Fokuñwi, Na—Na ziba. Ni ka mi bulelela li si ka ezahala kale. Dokota ki yomunde dok-...dokota yomunde, hakuna kukakanya; Ni—Ni sepa kuli ki muuna yomunde. Kono Ni—Ni Ni ziba kuli nikaba hande. Ki hona! Ku felile, mi Ni kaba fela hande!

<sup>214</sup> Mi Ne ni sweli kunahana fani Ernie hana opela pina yani ka mizuzu yelikani yefitile, *Fa Mafufa A Nkwilimba*. Ucwani munembo kwa pina yeo? Lu kalele yona, Ernie.

. . . mafufa . . . nkwilimba yesweu-twaa (alu opeleni hamoho)

Mulimu aluma lilato la Hae leli kenile, le linde,  
Neli sisupo sesizwa kwa lihalimu,  
Fa mafufa a nkwilimba.

<sup>215</sup> Ni utwisisa kuli Ernie nabile ni litimana zepeli zayona. Ni ka mifa litimana zetalu.

Nuve na cimbauka  
Fa muunda ka mazazi amañata,  
A bata-bata mubu,  
Ka mikwa yemiñata;  
Nana ni matata,  
Kono isi azwa kwa lihalimu,  
Kakuli Mulimu na mufile sisupo sa Hae  
Fa mafufa a nkwilimba.

Fa mafufa a nkwilimba yesweu-twaa sina,  
Mulimu aluma lilato la Hae leli kenile, lelinde,  
Neli sisupo sa lilato kuzwa kwa lihalimu,  
Fa mafufa a nkwilimba.

Jesu, Mupulusi waluna  
Ataha mwa lifasi zazi leliñwi;  
Na pepezwi mwa sicelo,  
Mwa sicelo sa likomu;  
Niha na hanilwe,  
Kono ne si kwa lihalimu,  
Kakuli Mulimu ulufile sisupo sa Hae  
Fa mafufa a nkwilimba.

Fa mafufa a nkwilimba yesweu-twaa sina  
litwaa,  
Mulimu aluma lilato la Hae leli kenile, lelinde,  
Oh, ki sisupo sa kwa lihalimu,  
Fa mafufa a nkwilimba.

Ni ha Ni nyandile  
Ka mikwa yemiñata,  
Na lila kubata foliso  
Busihu ni musihali;  
Kono tumelo haisika libalwa  
Ki Ndate kwa lihalimu,  
A ni fa sisupo sa Hae  
Fa mafufa a nkwilimba.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Oh, ki sisupo kuzwa kwa lihalimu,  
Fa mafufa a nkwilimba.

Fa mafufa a nkwilimba yesweu-twaa sina  
 litwa,  
 Mulimu aluma lilato la Hae leli kenile, lelinde,  
 Ki sisupo kuzwa kwa lihalimu,  
 Fa mafufa a nkwilimba.

<sup>216</sup> Mulimu Yomunde, Naitumela ku Wena ka lika zee, Ndate. No file Nuwe sisupo, No file lifasi sisupo, mi No ni file sisupo. Mi zazi lelitatama, ha ni bona mbande yani haifufa, O Mulimu, kuna ni Liñusa lelitaha cwale, mi Na lapela, Mulimu, kuli U lumeleze Nkwilimba kuetelela. Lumeleza cwalo, Mulena. I ni zamaisize kutaha kwa tumelo yene Ni sina sapili. Na ziba, Mulimu, Ni ziba kuli ku kaba fela hande; konakuli Na itumela ku Wena ka yona, Ndate.

<sup>217</sup> Mi, busihu cwana, luma Liñusa la Hao hape, Mulena, fa mafufa a Nkwilimba ya Linzwi. Lumeleza cwalo, Ndate yomunde wa Lihalimu. Mi mañi ni mañi yafita fa kwa pata kwanu, busihu cwana, ni kwande mwahala mikopano mwa naha kamukana, kuli Nkwilimba tuna ya Hao ya tumelo iwele mwa lipilu za bona ni kubafa tumelo, Mulena, kwa foliso yabona. Muhupule kuli Mulimu ha kuteki mutu. Na lumile Liñusa ku Nuwe, na Li lumezi ku Joani Mukolobezi, na Li lumezi kuna, wakona ku Li luma ku babañwi.

<sup>218</sup> Ni lapela kuli Nkwilimba yani ifufele mwa pilu ifi ni ifi ona fa cwana, Mulena, ni mulomo wa Yona omunde, omunyinyani, ni kushobota kuli, “Ka miupa ya Hae... Ka litombo za Ka ni miupa mu folisizwe.” Mulimu, lumeleza kuli lifoso zaluna litakulwe, bumaswe bwa luna bu lu swalelwe, ni kuli matuku aluna a foliswe. Ki mwa mazoho a Hao, Ndate. Ka Libizo la Jesu Kreste. Amen.

Ka litoho za mina zeinami fa muzuzu ulimuñwi fela.

<sup>219</sup> Ki ba bakai mo baba tabela kubulela, haiba mukona ni kutabela kubulela cwana, “Muzwale Branham, Ni fisize mwa bupilo bwaka kaufela. Ni batile kusebeleza Mulimu, kono busihu boo Ni tukisize kuipa. Nalapela Mulimu, kuli Nkwilimba yani ifufele mwa pilu yaka busihu cwana. Na I utwa ha i pukumuna mafufa a Yona hanze I taha mwahali”? A munanule mazoho, kikuli muka eza? Mo mwa sicaba se si bonahala, mawi, ki muyaho kaufela.

<sup>220</sup> Ni mwahala sicaba sesili mwa naha kaufela, ku yo punya ni ku Muzwale Hunt ni Muzwale Coleman, kufita ni Muzwale Leo ni babañwi, mane konji ni kwa Tucson, kukena mwa Branham Tabernacle, kusila ni mwa Buse bwa Wiko, amunanule mazoho a mina kai ni kai: “Ni bata kuli Nkwilimba ifufele mwa pilu yaka. Uni tiseze lilato leli munati la Mulimu fa mafufa a Nkwilimba yesweu-twaa sina litwaa, ona Moya o Kenile. Aku Itise ku na, busihu cwana, Mulena, mi ukenyne mwa pilu yaka tumelo ye Ni tokwa.”

<sup>221</sup> Ka Libizo la Jesu Kreste, Na lapela, Mulimu, lu swalele libi zaluna. Nkwilimba ye holofezi itisize Liñusa kulu kutela, O Mulimu, “Ku felile!” Lwa lumela cwalo. U lufe fela tumelo ya kulumela Cwalo, lwa lapela. Ka Libizo la Jesu. Amen.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Neli sisupo kuzwa kwa lihalimu,  
Fa mafufa a nkwilimba.

<sup>222</sup> Kana nkwilimba yani neizwa kai? Ha ni zibi. Ne i si ke yaba kafani mwa lihalupa leli cwalo. Batili, batili! Batili, ne i si ke yana kwani. Mi kiñi haneili ye sweu? Ndate yakwa Lihalimu uziba kuli neli yesweu twaa sina hembe yaka. Inge iinzi fani.

Kono neli fa mafufa a nkwilimba yesweu-twaa  
sina litwa,  
Mulimu aluma lilato la Hae leli kenile, lelinde,  
Oh, ki sisupo kuzwa kwa lihalimu,  
Fa mafufa a nkwilimba.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Oh, ki sisupo kuzwa wa lihalimu,  
Fa mafufa a nkwilimba.

<sup>223</sup> Oh, kikuli ha mu ikutwi kuishuwa luli? Ha lu swalaneñi fela mwa mazoho, ni ku i opela.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>224</sup> Ha lu nanuleñi mazoho aluna ku *Yena*, ni ku i opela.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

Nuve na cimbauka  
Fa muunda ka mazazi amañata,  
A bata-bata mubu,  
Mwa libaka zeñata;  
Nana ni matata,  
Kono isi azwa kwa lihalimu,  
Mulimu aluma sisupo sa Hae  
Fa mafufa a nkwilimba.

Fa mafufa a nkwilimba yesweu-twaa sina  
litwa,  
Mulimu alumalilato la Hae leli kenile, lelinde,  
Oh, ki sisupo kuzwa kwa lihalimu,  
Fa mafufa a nkwilimba.

Jesu, Mupulusi wa luna  
Ataha mwa lifasi zazi leliñwi;  
Apepwa mwa sicelo sa likomu,  
Mwa sikungu sa bucwani;  
Ni ha na hanilwe fa,  
Kono isi kwa lihalimu,  
Mulimu alufa sisupo sa Hae  
Fa mafufa a nkwilimba.

Fa mafufa a nkwilimba yesweu-twaa sina  
litwa,  
Mulimu alumalilato la Hae leli kenile, lelinde,  
Sisupo kuzwa kwa lihalimu,  
Fa mafufa a nkwilimba.

<sup>225</sup> Kiñi, na nili muunamuhulu, ya ndile mwa bupilo bwaka kaufela, kisikamañi sa Ni foliselize cwale? Ni lumela kuli Ni ka fita nzila ye hape, Ni lukela kutisa Liñusa! Mi Ni li ku Ndate, busihu cwana, (sina Junior mwa na bonezi mwa—mwa tolo busihu bobuñwi ka za mafufa a Nkwilimba ye, inge i fufa mwa mahaulo aa), Mulena, mutanga Hao utile kwa sebelezo. Amen, Ni itukisize!

Fa mafufa a nkwilimba yesweu-twaa sina  
litwa,  
Mulimu alumalilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>226</sup> Ha lu lumeleñi cwale kuli Usweli kufita cwale fahalimwa sicaba.

Fa mafufa a nkwilimba yesweu-twaa... (Lu libelezi, Mulena.)  
Mulimu alumalilato la Hae leli kenile, lelinde,  
Ki sisuppo kuzwa kwa lihalimu,  
Fa mafufa a nkwilimba.

<sup>227</sup> Mina babana ni makadi a mina a litapelo, mwa sibaka sa lipula *zee*, amu tahe kwapili kwanu; amu yeme, mutahe kwapili mwa sibaka sa lipula *ze*, kwa neku le.

Fa mafufa a nkwilimba yesweu-twaa sina  
litwa,  
Mulimu alumalilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>228</sup> Babana ni makadi a litapelo mukolo *woo*, amu kute kwa nzohoto yamina.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>229</sup> Bao . . . [Hakuna manzwi fa tepu—Mu.]

Oh, fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>230</sup> Kanti nkwilimba yani neizwa kai mwa lihalaupa leli cwalo lani? Ni ka bulela kuli: Mulimu na boni kuli Abrahama na tokwa totolo ya sisupo, Ki yena *Jehova-jaire*, “yena Mulena yakona kuiponela sitabelo ili Yena.” Ka kunahana cwalo! Ki Mulimu yaswana, ka susumezo yeswana, ka batu ba mufuta o swana, aluma nkwilimba. Usa li Mulimu, *Jehova-jaire* yakona kuiponela sika kaufela Sa tokwile.

<sup>231</sup> Nji cwani, hamusweli kutaha cwalo mwa mukoloko wa tapelo *woo* cwale, mukupe Mulimu kuli amife zona fa mafufa a Nkwilimba? Ki Nkwilimba, Moya wa Moya o Kenile, kuli umife tumelo mwa pilu zamina kuli mu foliswe.

<sup>232</sup> Ni lika kuba yemisa kaufela bona, mwa bona. Na kupa cwale. Muzwale Brown uteni kwa sibaka sa hae. Muzwale Jack . . . Uli cwani? [Yomuñwi uambola ni Muzwale Branham—Mu.] Ku lukile, kihande. Sibaka *se faa*, mutahe neku le pili, mina ba bayemi foo. Libaka za kwa mulaho *kwanu* mulatelele kapili mwa mulaho. *Baa* batatame mwa mulaho wa bona. Mi *mina* muka latelela mwa mulaho wa bona *kwanu*, mutahe cwalo ku to lapelelwa.

<sup>233</sup> Cwale, Ni ziba kuli wo haina kuba mukoloko o akufa, lukanga fela nako yelikani kuli lukone cwale kulapelela mañi ni mañi, mo lukonela.

<sup>234</sup> Cwale, Ni pumezi liñusa laka fahali (mi kaufela mina mu tokomezi zeo, mwabona) ili kuli Ni be ni mukoloko wa tapelo *woo*. Wo ki mukoloko wa kupuzo ka kufa likute ku Muzwale Jack Moore, Muzwale Young Brown, basali ba mina ba mi lumelelize kutaha, mi mwa taha se luya kwa California, mane ni mwahala Arizona kaufela (hamoho, mwahala lihalaupa), ni kulapelela bakuli.

<sup>235</sup> Mwa ziba kana? Kuna ni batu ba bapila kacenu bene ba shwa ka linako zani, mi ba sa pila bakeñisa kuipa kwani. Ki sikamañi sene si ezahalile? Sa tisa lifoliso za Bulimu mwa keleke kaufela kwani mwa naha ye, cwale mane neba ma Presbyterian

ni babañwi cwalo. Bona . . . Za kwala mulomo wabona, kakuli ne si lwala Mulimu kutoza mutu kubulaya Goliati, kubonisa kuli ne ku ka ezahala, cwale babañwi ba bona baba ni bundume (yeo ki niti) mi bazwelapili. Za kona kuezahala hape, kakuli U sa luma lilato la Hae fa mafufa a Nkwilimba.

<sup>236</sup> Bakreste, Ni bata kuli muteeleze. Hane Ni ka yema fa ni kulika ku mi bulelela zeñozwi za litaba zeipitezi ze Ni boni ha liezahala neba mwa lilimo zetalu za kwa mulaho, Ne nikaba kwanu Pelekelo yetaha ye busihu, ku to mi bulelela. Mane hani buleli zeñata ka zona, kakuli ku utwahala inge kuli ha ku konahali, kono Ni mi bulelela Niti. Ki yona Niti luli. Lupila mwatasa zamaiso ya Jehova Yomutuna Yamata, yena yaswana Yanali ni bapolofita mwa Testamente ya Kale, ni Keleke mwa Testamente ye Nca, Utensi mo kacenu u zwisa Munyaliwa mwahala Bamacaba wa Libizo la Hae. Mulumele Cwalo! Nji hamulumeli, sicaba? Kambe ne mu ka Li lumela, mu Li lumele cwal. Yo ki yena . . . Nibata kuli mueze cwalo. Ha lu zibi ze ka ezahala busihu boo. Ha lu zibi ze ka ezahala. Lu sweli kulibelela fela mwatasa tibelelo.

<sup>237</sup> Shangwe, ka Libizo la Mulena Jesu, Ni mi kupa kakuba mutanga Hae. Na ziba ha mutualimana ni likopano, muna ni lika kaufela zekopani mwateni. Kono haiba mu ni lumela kuba mutanga Hae, haiba kuna ni kalulo iliñwi ya kukakanya (*kamba sibi* ki-ki “kukakanya, kusalumela”), haiba kuna ni kalulo iliñwi ya zeo mwa lipilu za mina, mukupe Ndate kuli a lizwise ku mina cwale. Mwabona? “Mulena . . .” Mi cwale ha mutaha ka tumelo yende yeo . . . Cwale, mazoho aka hatalusi sika konji haiba Seo sa kutahela pili; mi cwale ha si taha, si ka monyeha fateni, mu ka foliswa. Yeo ki niti, muziba kuli muka foliswa. Mwabona, mu ka lumela cwalo.

<sup>238</sup> Cwale, Nika mi lapelela mañi ni mañi wa mina. Mi cwale . . . Ha mueza cwalo, mubeye mazoho a mina ku mutu ni mutu hape, kuli lube . . . Mi mulapelele mutu yo mubeile mazoho ku yena, kona Ni ka mi kenya mwa mukoloko. Mubeye mazoho ku yomuñwi yali mwa mukoloko wa mina.

<sup>239</sup> Mulimu Yomunde, Ha—Ha ni zibi mukwa omuñwi kaufela wa kubulela litaba ze, Mulena. Ni ziba fela kubulela ze Ni ziba kuli kona Niti, mi Wena u paki yaka busihu bo kuli Ni bulela Niti. Tumelo yaka, Mulena, ni foliso yaka kwapili; Ha ni zibi nako, Ha ni zibi mukwa, Ha ni utwisisi; kono Na Li lumela, Mulena, kuli Ni amuhezi sisupo kuzwa kwa lihalimu. Yona nkwilimba yabusebene yani mafelelezo yataha, inci yabusebene seili bukaufi ni fela fa folofolo. Ku felile!

<sup>240</sup> Mulimu, Ni bata ku sebeleza sicaba sa Hao. Kacwalo Na lapela, Mulimu, kuli U lutoze hahulu busihu cwana kuli yo kaufela yoluka beya mazoho kuyena, ha foliswe; isiñi kuli ki luna, kono bakeñisa kuli ki kulatelela litaelo za Hao. No ize,

“Lisupo ze likaya ni baba lumela.” Mulena, aku ni tuse kuli ni lumele, mi utuse lipilu zabona kuba sibaka mo ku calwa tumelo. Mi shangwe, hamoho, kwa kanya ya Mulimu, mukuli kaufela ni mutu ya imezwi mwa tuyaho wo (kamba miyaho kaufela yeli mwa naha) baba utwela litaelo ze cwale, bao ba foliswe. Ka Libizo la Jesu Kreste, Na li kupa. Amen.

<sup>241</sup> Mube ni tumelo; kaufela mina mulapele ni luna. Cwale, wo ha ki mukoloko wa temuho.

<sup>242</sup> [Hakuna manzwi fa tepu—Mu.] Ñalelwa, sabo, Ni ziba seo . . . [Kezeli u ambola ni Muzwale Branham.] Mutu wa mubotana, ubulela kuli hasika bona kale siemba mwa bupilo. Nto yeswana ye Ni . . . Hakoni kulapela, kuikalelwa, zikinyeho.

<sup>243</sup> Mulimu Yomunde, u ni pake, Mulena, kuli Ni bulezzi Niti. Mo Ni utwela butuku ku musali nyana yoo! Na lapela, Mulimu, kuli U mu lumele yona, bushihu boo, ona muhala wa tumelo yezwa kwa lihalimu ya ziba kuli Wena utamehile kwa Linzwi la Hao, ni Uka buluka Linzwi kaufela. Mi cwale Mulimu wa Lihalimu azwise sabo ye ku kezela ka. Mi Na Ku utwela ka ku mubeya mazoho ni kunyaza ze katalize. Ka Libizo la Jesu Kreste, halizwe ku yena. Amen.

<sup>244</sup> Cwale, talima kezeli, u ni lumele cwale, haiba wakona kukalela ona fa, ka sifapahano. Kuzwa mwa busihu boo, uhane kuli nona ni zona. Mwabona, uzwelepili kubulela kuli, “Ha ni sana zeo cwale,” mi li ka ku siya.

<sup>245</sup> Kezeli Palmer. [Kezeli Palmer ubulela ku Muzwale Branham—Mu.] Eeni. Kezela luna, Kezeli Palmer; muuna hae ki mulikana ka yomunde luli, mukutazi yazwa kwa Georgia kamba Alabama, Georgia—Georgia. Mi na tahanga kwanu kwa tabernakele . . . Ba zamaisa mota, ha Ni kutaza kwa tabernakele, limaili zefifitini ku to teezeza kwa sebelezo. Muzwale Palmer a keluha mwa nzila, kamba mushimani yani, alimuñwi, hane ba lomona fa manganandila, sebabu ni kozi. U bile ni butuku kuzwa fani.

Halu lapeleni.

<sup>246</sup> Mulimu Yomunde, lukulula mutanga Hao yoo, musala hae yomunyinyani, ya likute, wa niti, mutanga yomunyinyani ku Kreste, Na lapela, Mulimu, sina ha Ni beya mazoho aka ku yena, ni Muzwale waka Jack Moore fa, kuli Ü mu folisi ni ku mueza kuba hande. Ka Libizo la Jesu. Amen.

Mulimu ami fuyole! . . . ? . . .

<sup>247</sup> Mwa mihato yeswanelu, mi wa mu yemela? Mushimani wa hae yomunyiyani, wa nyapa mwa mba ni mukokoto.

Halu lapeleni.

<sup>248</sup> Mulimu Yomunde, lumeleza kuli Nkwilimba yesweu-twaa sina litwa yani ikene mwa pilu ya hae cwale, “Na holofalezi libi zaluna, na titikezwi bumaswe bwa luna, ka miupa ya Hae lu

folisizwe." Ni kupa taba ye kuli ibe cwalo ku muzwale waluna ka mushimani hae yomunyinyani, ka Libizo la Jesu Kreste. Amen.

<sup>249</sup> Kuopa toho hahulu, ni butuku bwa lihutu bo bu mu kataza hanze a sebeza.

<sup>250</sup> Mulimu Yomunde, lumeleza mbuyito ya foliso ya hao fahalimwa mucaha yoo, sina luna batanga ba Mulimu halu mu beya mazoho. Ka Libizo la Jesu Kreste. Amen.

<sup>251</sup> Una ni butata bwa sisali, busali, mi hape ubata Kolobezo ya Moya o Kenile.

<sup>252</sup> Mulimu Yomunde, ha Ni nze ni fa ku lapelela tapelo ye ya tumelo kalibe nyana yoo, butata bwa sisali ha buzwe, mi cwale Kolobezo ya Moya o Kenile haitahe fa mafufa a Nkwilimba, ka Libizo la Jesu Kreste. Amen.

Mulimu aku fuyole, kezeli.

<sup>253</sup> Sokela fa liito, ni ka mulatiwa ya hae.

<sup>254</sup> Mulimu Yomunde, U ziba lipilu za batu. Na Ku lapela Ndate, ka Libizo la Jesu, kuli U lumeleze kupo ya kupile muzwale yoo; mi ku utwela kwa luna kwa Linzwi la Hao ka kubeya mazoho ku yena. Ka Libizo la Jesu Kreste. Amen.

Mulimu aku fuyole, muzwale.

<sup>255</sup> Una ni katombo fa liito la nzohoto, hamoho cwalo ni linzwi la hae li silezi.

<sup>256</sup> Jesu Yomunde, Ni lapela kuli U folise kezeli yoo; ni mubeya mazoho ka Libizo la Jesu Kreste, kuli foliso ya hae ibe teni. Amen.

Mulimu aku fuyole, kezela ka.

<sup>257</sup> Kakuli, kezeli, Na bona butata bwa hao, lihutu li luluhile. [Kuzeli uambola ni Muzwale Branham—Mu.] Lipiyo, siinya, ni ngongo yezwile mwa sibaka.

<sup>258</sup> O Mulimu Ndate, folisa musali yoo, Mulena, Na lapela, hanze Ni beya mazoho ku yena ka Libizo la Jesu Kreste. Amen.

<sup>259</sup> Mulimu aku fuyole, kezeli; kona ona cwalo, li ka ezaHALA.

<sup>260</sup> Mwa li utwa zeo, nji cwani, koo kwa limaikulofoni? Kamba kimañi kaufela yali... yali manjinela, haiba wakona ku pahamisa nyana, sicaba sakona kuutwa bupa... kamba ze babulela ha banze bataha. Mube mwa litapelo ka bona mu sa utwa fela; ha Ni kala kulapela, mu lapele nina.

<sup>261</sup> Mulimu Yomunde, Ni lapelela kezela luna yoo, kuli U mufolise, Mulimu yomunde. Lueza se bakeñisa kuli ki taelo ya Hao. Ka Libizo Jesu Kreste. Amen.

U fuyolwe, kezeli.

<sup>262</sup> Mulimu Yomunde, Wa utwe bupaki boo, U twe saezize sila ku yena. Lu lika kunga Libizo la Jesu ni kukoma sila see; u komilwe kale kakuli kuholofala, Nkwilimba ye shapilwe iwezi fa bulilo

bwa Ndu ya Mulimu ni Liñusa la kuli, “Ku felile!” Lumeleza cwalo, ha lumele cwalo, Ndate, ka Libizo la Jesu.

<sup>263</sup> Mulimu Yomunde, Ni lapela kuli U folise yoo kezela luna. Mi cwale Nkwilimba ya Mulimu ipake ku yena busihu cwana kuli Na mu ezelize zona, kuli akone kuba hande. Ka Libizo la Jesu. Amen.

<sup>264</sup> Mulimu Yomunde, Ni beya mazoho aka ku muzwale waka ya yemi faa. U bile ni tumelo yeñata yakutaha musipili wo kaufela, Mulena, cwale ha amuhele foliso ni kuya kwa sipula sa hae hande. Ka Libizo la Jesu.

<sup>265</sup> Mulimu Yomunde, Ni lapelela muzwale wa luna, ni ku mu beya mazoho. Tusa, Mulimu yomunde, kuli tumelo ya Mulimu inwele mwahali ka yona nako yee; mi abe sina Abrahama, abize lika zeliteni, inge kuli hali—haliyo, kakuli Mulimu u file sepiso. Ka Libizo la Jesu. Amen.

Mulimu aku fuyole.

<sup>266</sup> Mulimu Yomunde, ki Wena yakona kuba ni keto yaniti. Na lapela, Mulimu yomunde, sina kalibe nyana yo ha ikupezi taba ye, ha i amuhele ka Libizo la Jesu Kreste. Amen.

<sup>267</sup> Mulimu Yomunde, Ni beya mazoho aka ku kezela luna ka kuutwela Zo bulezi kuli lueze. Se si lukutisa kwa mulaho ka myaha yemiñata, Mulena, kuzwa fo lukile lwaba ni mukoloto wa tapelo yecwana; kono lwa ziba ze ne ezahalile linako zani, lu ziba kuli U Mulimu yaswana ni kacenu haiba sicaba sikona kuba ni tumelo kacenu. Ni lapela ka Libizo la Jesu kwa foliso ya kezela luna. Amen.

<sup>268</sup> Mulimu Yomunde, Ni beya mazoho aka ku muzwale waluna fa ni ku kupela foliso ya hae, ka Libizo la Jesu Kreste. Amen.

<sup>269</sup> Ndate, Ni tisa ku Wena busihu cwana kezela luna, mi ni beya mazoho aka ku yena ka kupaka kuli Ni yemi sina paki ya mata a Hao, ni yemi sina paki ya lipono za Hao, Linzwi la Hao, mi Ni paki kuli Wena u Mulimu. Mi Ni beya mazoho ku yena ka kuutwela kwa Linzwi la Mulimu waka, ni ku kupa foliso ya hae. Amen.

<sup>270</sup> Mulimu Yomunde, Ni beya mazoho ku muzwale waka ka nzila yeswana, ka kuba paki ya mata a Hao Ni kupa foliso ya hae ka Libizo la Jesu Kreste. Amen.

<sup>271</sup> [Hakuna manzwi fa tepu—Mu.] “Sikamañi?”

<sup>272</sup> Musali uize, “Mufolisi.” Ubulezi kuli “Muuna yana zwa kwa sibaka sesiñwi, mwa Arkansas, na folisizwe kakusasana wani, mupangi wa makatulo wa sibofu.” Mwa ziba likande. Ne li beilwe fa silimba.

<sup>273</sup> Mi se Nili . . . Na hupula kuli . . . Ne ni ezize siemba sa muipi. Na li, “Ha u lumeli kuli ki Niti yeo?”

<sup>274</sup> Musali ali, “Eeni, sha, Na lumela.”

<sup>275</sup> Mi se Nili, "Kikuli wa lumela mwa lizazi le kuli Mulimu na ka eza nto yecwlao, foo . . ."

<sup>276</sup> Musali ali, "Sha, Ni telelize kwa tukiso ya bulapeli." A li, "Ni Mukreste." Mi ali, "Ni teeelelize kwa litukiso, Ni mu utwile muuna yani kwani yana folisizwe kakusasana cwana, mupangi wa makatulo wa sibofu yani. Ba mu zwisize mwa keleke, naswel i kutaza hahulu lilata, keleke ye kuya ku yeñwi. Ni kuwani ya hae fa mulamu, inge aipotolohisa, inza mata mata kwa-ni-kwa mwa likeleke, mañi ni mañi mwa muleneñi, inge ahuwa, 'Ni folile! Ni folile!' Mupangi wa makatulo wa sibofu."

<sup>277</sup> Se nili, "Kana wa lumela cwalo?"

<sup>278</sup> Mi ayema fani fa nako nyana, nekuna ni pula inge ifafaza mafula abalisani, ki hali, "Sha, haiba muka ni isa kwa inzi, kipeto Ni ka fumana bondate." Mi Na utwa sina *cwalo*.

<sup>279</sup> Se nili, "Mwendì ki Na yosweli kubata."

<sup>280</sup> Ki hali . . . ani swala kwa mingundo ya koti, mi ali, "Kana ki wena Mufolisi?"

<sup>281</sup> Se nili, "Batili, kezeli, kono Kina Muzwale Branham."

<sup>282</sup> Ki hali, "Uni utwele butuku!"

Na hupula Fanny Crosby wa sobofu yani, "U sweli kubiza babañwi cwalo, u si ni fiteleli." Mwabona, Na folisize alimuñwi, Na mu folisize.

<sup>283</sup> Na beya mazoho aka fa meto a hae, Se nili, "Jesu Yomunde, zazi leliñwi sifapano sa kale se sibuhali sa taha inge situla tula mwa nzila, maheta a buba mali kuona, mubili o botehile o musisani ono si lwezi wawela mwatasa bukiti. Muuna yomunsu wa libizo la Simoni, wa Sirene, ataha kuto nanula sifapahano, a Mu tusa ku si lwala. Na ziba kuli Wa hupula cwalo, Ndate. Mi alimuñwi wa bana ba hae usweli kutantalika fa mwa lififi, Ni ziba hande kuli Wa utwisia."

<sup>284</sup> Mi ali, "Kanya ibe ku Mulimu! Na bona!" Uh-huh.

<sup>285</sup> Se nili, "Wa bona?"

<sup>286</sup> Ki hali, "Eeni, sha."

<sup>287</sup> Se nili, "Bala maseli ao." Mi musali abala. Se nili, "Ki suti ya mubala mañi ye Ni tinile?"

<sup>288</sup> Ali, "U tinile suti ye seta ni liyebela la yelo." Neli ona cwalo, na bona.

<sup>289</sup> Oh, Mulimu ukuteka buishuwi. Uh-huh.

*Yona yeo ka yona kona yekatisa, ni kupetahalisa, tulo mi yende mwa lilato la Bumulimu.*

<sup>290</sup> Mulimu Yomunde, ube ni makeke mi ufolise kezela ka, ka Libizo la Jesu Kreste. Amen.

<sup>291</sup> Mulimu Yomunde, ha Ni swala lizoho leli fokola le, leli kokonyani, ki Wena fela yaziba zefitile fa. Na lapela, Mulimu

yomunde, kuli lizoho leliswana le Ni sweli busihu boo liswale sina mazoho a fokola ani a Simeoni zazi lani, “Mulena, cwale mutanga Hao azamaye ka kozo, kakuli cwale Ni boni kupilisa kwa Hao.” Ha I tahe ku yena, Mulena, puluso ya Hao, mi i mu folise ka Libizo la Jesu. Amen.

<sup>292</sup> [Hakuna manzwi fa tepu—Mu.] Kaza *Muzeko*, kiñi, Bo. Kusalumela neba nyazize Jesu Kreste. Mwa hupula *Muzeko*? Kuli mane ni... Nebana ni—ni muyemeli mwa kuta ni babañwi kaufela, ni yana yemela mañi kaufela. Mi neluna ni—ni muyemeli yana zeka, Satani, yana ka yo zeka; kuli mane, muzeko wa bizwa.

<sup>293</sup> Mi ki hali, alimuñwi, Bo. Mukakanyi, ba nanuha, se bali, “Ne ni utwile mukutazi yana bulela kuli, ‘Mutoze bakuli ka oli, ki Bibele yebulezi cwalo.’ Se ni toziwa ka oli, ne ni si ka fola. Yomuñwi ali, ‘Mubeye mazoho fa bakuli, ba ka foliswa.’” Na lika ku zekisa.

<sup>294</sup> Kono cwale paki ha yo taha, ki yo fa, “Mulimu na ba bulelezi, kuli, ‘Mu ka be...’” Ki hali, “Seli likweli zesilezi cwale kuzwa fo Ni beewi mazoho, mi Linzwi la Hao libulela kuli ‘Mubeye mazoho fa bakuli mi ba ka foliswa.’ Mi mazoho na beilwe kuna ka batanga ba Hao baba tozizwe, kono ha Ni si ka foliswa kale. Kabakaleo, U lihata yaicanganisa, kakuli Linzwi la Hao hali talusi se Li bulela.”

<sup>295</sup> Konakuli cwale paki ha nanuha, niti neli, kuli “Linzwi la Hae ki la niti. Ha si ka bulela *nako* Yaka li eza, Na ize, ‘Lisupo ze li ka ba latelela baba lumela; ha ba ka beya mazoho abona fa bakuli, *baka* foliswa.’ Mwabona? Mwabona, kona sa Na bulezi, ‘Bao *baka* foliswa.’ Cwale kamba ki makazo ye shengile ye ezahala inge *cwana* kamba ki ku utwela fela Mulimu, foo ku itingile ku Yena ku mutu yoo. Mwabona? Kono haiba mutu wateni wa Li lumela, Hanina taba kamba ku ka liyeha kufita kai. Na ize ku Abrahama, ‘Uka ba ni mwana ka Sarah.’ Mwana na si ka taha ka myaha ye twenty-faifi. Na bulelezi Nuwe kuli ‘i ka nela.’ Nuwe aba ni muunda... a—a areka ne i yahezwi muunda, myaha, yemiñata ñata mane muunda usika taha kale, kono a ziba kuli neika nela. Bibele ibulezi kuli, ‘Tapelo ya tumelo ika pilisa ya kula, ni Mulimu uka mu zusa.’ Lili? Na si kabulela nako. Mulimu wa sepahala, Ki wa niti, mubale fela Linzwi la Hae ze li bulela.”

<sup>296</sup> Kona ze Ni ezize busihu boo, ni beile mazoho fa bakuli. Cwale, Ni lumela kuli mañi ni mañi wa bona uka foliswa. Na lumela, mañi ni mañi wa bona. Naa mulumela ze swana? Cwale mu lumelele sicaba se si imezwi se.

<sup>297</sup> Kuna ni kalibe fa, yabonahala inge Na swanela ku muziba, Ne ni mu lapelezi maabani busihu, kwande koo mwa mukoloko wa tapelo. Ki mañi libizo? Chambers... Chambless. Kambe kalibe yani na ka pila—na ka pila hande ka kuiketa, nasike a

ziyeleha, luli nakaba musali yomunde luli. Mi uinzi fani cwale, wa njanja. Yomunde, kuna ni moyo omunde ku musizana wateni. Mi unzi fani ine anjanja sina *cwana*. Oh, zeo mo li lobela pilu yaka. Mane mo Ni lakalelize . . . mo Ni batezi fela!

<sup>298</sup> Ki yo fa mbututu yomunyinyani, kalibe yainzi fa u mu sweli. Lulimi lwa hae lu labukezi fande, toho ya hae ya opa. Kucwani kambe yani ki Joseph waka yomunyinyani? Kucwani kambe yani ki Paul muikulyange? Kucwani kambe yani neli Rebekah ya inzi fani, kamba Sarah? Kucwani haiba Boma. Simpson fa ki musala ka Meda? Mucaha yainzi fa yo kambe ki Billy Paul? Musali muhulu wa mucembele yainzi fa yo kambe kiboma? Muhupule, ki mbututu wa mutu, kezela mutu, mwana musizana wa mutu, ni mwana mushimani wa mutu. Mwabona? Ni muzwale wabona, Yena ki Mupulusi wa luna. Kaufela ze Ni kona kueza ki . . . tumeo ye Ninani ifiwa mwa sibaka sa bona. Kona fela ze Ni ziba.

<sup>299</sup> Cwale, Mulena wakona ku ni bonisa pono, Wakona ku ni bulelela se si fosahalile ni ufi wabona kaufela. Na kona ku mi bonisa zeo, mwabona, mwa ziba cwalo. Kono seo ha si ba folisi. Seo ha si ba folisi. Batili, kuna ni se si lukela kuwela kubona, mwabona. Mi Na sepa . . .

<sup>300</sup> Inge mo Ni kona kuya kwani ni ye ni ufi wa mina kaufela ni ku mi kolobeza ka Libizo la Jesu Kreste, seo hasina kutakula libi za mina. Batili, batili! Batili, Ha ni lumeli mwa kolobezo ya mezi ka Libizo la Jesu Kreste kuli ya tapisa libi kukenissa; Ni lumela kuli Mali kona a kenisa, mwabona, isiñi—isiñi mezi. Kono, mwabona, Nakona ku kolobeza ni ku kolobeza, kono uka kena fela mwa mezi uli muezalibi ya omile, ni kuzwa mwateni uli ya kolobile; mwabona, konji ha u baile luli za niti. *Mubake*, mi kona mu ka kolobeza ka Libizo la Jesu Kreste. Mwabona? Mi foo kona fo Ni shutaneli ni ba muzamao wa Oneness. Ha ki ku kolobezeza kwa kukeniswa, batili; Ni lumela kuli ki Mali kona akenisa, isiñi mezi. Mwabona? *Kubaka*, mi ni ku kolobeza ka Libizo la Jesu Kreste.

<sup>301</sup> Cwale Na ya ni lapele. Mi sicaba se mo sibezi ku mina kona mo si bezi ni kuna, mane mwendi ni kufita ka bulikani bo bucwaloo boo.

<sup>302</sup> Cwale kaufela ha lu kopaneñi hamoho, mazoho amina kaufela mwa tumelo, ni lizoho laka mwa tumelo, lutulukise mazoho a Mulena Jesu kuli abeiwe fa sicaba se si siyelehile sa lihole see. Kana muka lapela nina nji?

<sup>303</sup> [Hakuna manzwi fa tepu—Mu.] Baba na ni litaulo za bakuli ni baba ziyelehile, mwakona kuliingga kasamulaho fela wa sebelezo. Cwale mu ni tuse kulapelela baa, muka ni tusa?

<sup>304</sup> Mulimu, lwa itumela ku Wena, Mulena, ka So ezize busihu boo. Lwa itumela ku Wena ka kuitahaneli kwa foliso ya mutu kaufela yali mwa mukoloko moo. Mulimu Yomunde, Ni lapelela litaulo zee, mwendi ki za babañwi baba palezwi kutaha kwa

mukopano, mi balatiwa ba bona kona ba batisize litaulo. Mwa Bibele lu lutiwa kuli ne ba nga fa mubili wa Paulusi, masila kamba liapalo. Cwale, sicaba sani kwa mulaho kwani ne si pila Fapila hao, neba Ku bona mwa mikwakwa, ne ba Ku bona mwa mukopano wa bona, mi neba bona Moya wa Hao o swana ku Paulusi. Mi ba ziba kuli ne si yena muuna yani, neli Moya wa Hao ono busa bupilo bwa hae, kakuli lubona Paulusi haeza lika zeswana zo no eza ni Wena.

<sup>305</sup> Mi cwale, Mulena, sicaba sa lizazi le sibona Mulimu yaswana yapila mwa Keleke ya Hae ni sicaba sa Hae. Mi ki ha ba tisize litaulo zee, kuli li zwiswe mo kuisiwa kwa balatiwa babona. Lumeleza, Mulimu, kuli mañi ni mañi wabona a foliswe ka nzila ya Hao luli. Ha lu kupi sika sisili fela kuli si ezwe ka nzila isili fela kamba buino; lu kupa fela, "Ka nzila ya Hao fela, Ndate, ba folise." Kwa kanya ya Mulimu, Ni fa tapelo ya tumelo yee ku zona. Ka Libizo la Jesu Kreste. Amen.

<sup>306</sup> Ni bile ni nako yende ya lisebelezo mwa tumelo ya mina, kubateni kwa mina ku Kreste. Wo ikaba mukopano o ni kaba Ni hupulanga ka ze ezahalile: lilato, tamahano, kutwano.

<sup>307</sup> Mi cwale, kufitela lukopana hape, cwale Mulimu wa Lihalimu ami zamaise. Yena Ya eza linaleli ku monyehe hande busihu kuli limonyehe mwa nzila hase ili nako ya lififi, cwale Ha monyehe mwa linzila za mina ka Naleli ya Betelehema kuli i mi zamaise kuya kwa bupilo bo buipile ka kutala mwa Linzwi la Hae, kona tapelo yaka.

Kufitela lukopana, kufitela lukopana,  
Kufitela lu kopana kwa mautu a Jesu;  
Kufitela lukopana, kufitela lukopana,  
Mulimu abe ni mina kufitela lu kopana hape.

<sup>308</sup> Cwale ha lu yemeñi. *Tumelo Yaka Italima Ku Wena! . . . ? . . .*  
Na . . . kihande, Ni ka cinca zeo. Ni lumela kuli zeo ki zende. (Mu ni swalele.)

Tumelo ya ka italima Wena,  
Wena Ngunyana ya Kalvari,  
Mupulusi ya Pahami!  
Cwale utwa ha Ni lapela,  
Zwisa sibi saka kaufela,  
O ku zwa kacenu  
Ni be wa Hao!

<sup>309</sup> Cwale halu swalaneñi mwa mazoho hanze ba opela.

Ha ni nze Ni zamaya mwa matata a kupila,  
Ni manyando ani beya mwahali,  
U be Muzamaisi waka;  
Fetula lififi li be lizazi,  
Takula mioko ya maswabi,  
Si ke na latehela  
Kwahule ni Wena.

<sup>310</sup> Mwa ikutwa hande cwale, nji cwani?

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.  
Cwale fa mafufa a nkwilimba yesweu-twaa  
sina litwa,  
Mulimu aluma lilato la Hae le li kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>311</sup> Leo kona liñusa la luna la kukwala mwa sikundi se.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>312</sup> Lu inamiseñi litoho za luna. Minembo hanze i luma hande  
mwa pina yakuya kwa malapa yee, Ni sepa kuli ika...mu ka  
utwa kulila kwa mawili, kuluma kwa injini.

Fa mafufa a nkwilimba yesweu-twaa sina  
litwa,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

[Muzwale ukala kuñuñuna makutelo a pina—Mu.]

...nkwilimba,  
Mulimu aluma lilato la Hae leli kenile, lelinde,  
Ki sisupo kuzwa kwa lihalimu,  
Fa mafufa a nkwilimba.

<sup>313</sup> Ka litoho za mina zeinami, Ni mifa ku... Muzwale wa mina  
Nolan.



*Fa MAFUFA A NKWILIMBA YESWEU-TWAA SINA LITWA* LOZ65-1128E  
(On The Wings Of A Snow-White Dove)

Liñusa le ka Muzwale William Marrion Branham, neli katalizwe lwa pili mwa Sikuwa la Sunda manzibwana, Njimwana 28, 1965 li fa Life Tabernacle mwa Shreveport, Louisiana, U.S.A., iingilwe kuzuwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)